

光緒江西通志

江西通志卷八十五

經政略二

漕運

屯衛軍船附漕船拆變始末
俸廩水次漕倉附丁漕改革前後部議
開展緒起

運策略

江西漕運唐世運渭橋倉者百二十萬石宋南北漕初定轉般後爲直達大觀三年復轉般法政和閒又毀轉般倉行直達綱江西轉運判官蕭序辰言直達非便下所司措置建炎二年始詔江西綱運輸送江甯紹興初又以江西之粟餉淮西寶祐五年科撥上供米令江西吉信南安科撥建康江洪臨江興國南康科撥行在謹案吳會能改齋漫錄云本朝東南歲漕米六百萬石江西居三分之一天下漕米多取於東南東南之米多取於江西是宋代江西漕運蓋二百萬石也元時勅行海運江東西糧爲春秋

二運至京師者歲三百萬石明初北伐則命浙江江西及蘇州等七府運糧三百萬石於汴梁其後遷燕運法三變初爲支運復參兌運後則長運永樂三年命江西造海運舟十三年會通河成造淺船五百艘運糧百萬以當海運遣平江伯陳瑄往江西湖廣造舟從河運江西民運糧至淮安倉分遣官軍就近輓運是謂支運宣德四年尚令江西湖廣浙江民運百五十萬石於淮安倉七年立兌運法令江西湖廣等處之糧官軍於附近水次領兌量地遠近準費多少定加耗例給輕齎銀兩江西每石加耗六斗六升兌運米一平一銳故有銳米銳米凡一斗以四斗隨船作耗餘米三斗六升折銀謂之三十六輕齎以爲洪開盤剝之費許附載貨物以爲沿

途食用謂之兌運成化十年又立改兌法先是江西應

天等處糧納淮徐臨德四倉官軍赴倉支領至是抽支

運米七十萬石改令官軍各赴水次交兌復石增米一

斗爲渡江費正德七年乃委戶部官分往江西等處監

兌已又罷之長運之法旣行正德二年漕運官又請疏

通水次倉儲以江西浙江湖廣正兌糧米三十五萬石

折銀解京令三省衛軍赴倉支運如所折數改折議興

至隆慶中則運道復阻厥後煩費歲供漕政非制矣明

世江西運船至京期限以過江支兌展一月爲九月一

日過淮程限則以三月旋改二月未幾又改至京限五

月者縮一月

新唐書食貨志考元史食貨志

宋史食貨志明史食貨志

文獻通考

傅澤洪行水金鑑漕運考曰贛州明時亦有漕糧嘉靖中漕運總兵萬表疏云查總漕王宗沐奏稱漕屬有糧

司府惟湖廣江西爲遠二省所屬永州衡州長沙贛州
四府尤遠經過洞庭之險贛石二十四灘之惡四處之
到水次幾同淮安之抵京師往歲四府糧米催徵既難
水次又遠軍船畢兌過淮必係尾幫與黃水相值往往
淤阻邳徐白河守凍城陵磯裏港淺涸難入長灘上灘
風帆不可逆張非壞卽遲尤所當念臣查湖廣衡永長
沙該糧九萬一千四百八十七石江西贛州府贛甯都
二縣共糧一萬三千二百九十六石二省共止一十萬
四千七百八十三石爲數不多乞陛下每年坐準改折
隨同本色解納於窮遠之民既蘇其困又免其患云云
今贛州無漕糧未知免於何年又引明會典曰嘉靖十
六年江西吳城水次兌糧改併進賢縣水次交兌萬曆
十一年又以饒州等五所
淺船改并進賢水次交兌

國朝定制正兌漕糧運京倉改兌漕糧運通州倉冬兌冬

開江西漕船限以二月過淮六月到通十日回空先是
九江前後兩幫運糧至京口而止後亦運通州漕船抵
通州者給贐羨銀贐以米計米一石準銀一分羨以船
計一船準銀四兩九江運船始運京口則給二兩後遂

增給如額領運官軍則有行月糧初江西軍船一軍或十一散或十散或九散順治十五年以屯田加增銀不足行月改定一軍統爲九散減軍散抵加增銀更增籽粒每石一錢以爲支給乾隆初計屯貼運一船領運給以屯租定南昌衛九十兩袁州衛永新安徽建昌饒州四所一百兩贛州信豐所三百五十兩鉛山所三百兩會昌所三百一十兩南安所一百四十兩撫州所屯軍一百二十兩城軍一百兩吉安所六十兩廣信所一百九十兩弋陽貴溪所轄船二百兩五十四年以裁減節省米一萬二千三百一十二石有奇分給十三幫增補行月嘉慶六年

恩免各幫借領銀八千六百六十兩有奇六年以民貼官運腳

耗米分半濟運外再分給半銀六千二十六兩有奇米四千八百四石九斗有奇九年又給津貼灑颺耗米每石二升七合六抄以恤丁力凡災緩停運則按裝載一淺計算月糧減半給二十四兩回空準帶土宜舊例六十石累加至一百二十六石嘉慶四年加至一百五十

石

會典事例

見在起運漕糧兌軍價運正米三十五萬七百三十八石五斗一升八合一勺淮安倉改兌米一十五萬九百七十六石八斗二升六合三勺正兌交運并淮安倉改兌副米二十六萬五千九百九石一斗二升八勺腳耗米四萬二千七百一石四斗五升七合二勺運解漕糧腳耗米折銀三百七十三兩五分一釐

額支屯糧銀三萬四千七百三十一兩八錢八分六釐
倉米銀二萬八千四十四兩四錢二分三釐過湖銀一
萬一百六十兩三錢七分八釐淺船銀四千三百六兩
五錢輕齎銀五千一百四十八兩南糧改折濟運銀五
千六百五十九兩六錢四分二釐改折濟造銀一萬三
百六十八兩裁兵改折項下抵補東流建德二縣漕運
屯糧銀五千五百四十兩五錢四分七釐又裁兵改折
給各衛所加增行月銀一萬五千五百六十三兩七錢
四分一釐隨漕款內給各衛所加增行月銀一萬二千
三百三十兩六錢五分九釐

以上每年按數支給各弁
俸餼領運屯丁行糧月糧
造船料價外餘銀入冊報存解部
原額湖廣歲例協
濟減存銀一千二百六十六兩康熙七年奉文湖廣船
隻減存銀兩仍歸該省又江南八幫減存船二百八十
八隻協運江西月糧銀一萬三百六十八兩康熙二十

一年先後撤
回均不復解

漕糧官徵官解額編給軍耗費銀南昌府三千八百六十七兩七錢八分三釐瑞州府一千七百七十兩七錢三分四釐臨江府三千七百三十三兩一錢四分五釐吉安府七千三百三十七兩七錢一分九釐撫州府二千九百二十一兩四錢六分九釐建昌府三千五十八兩二錢四釐廣信府六千二十六兩九錢六分七釐饒州府五千六百五十四兩五錢四分八釐南康府一千七百七十七兩四錢四分二釐贛州府三百七兩三錢三分四釐甯都州二百六十兩二錢七分六釐凡三萬六千七百一十五兩六錢二分一釐

內南昌新建進賢義甯州武甯奉新高安德興入州縣原無額徵經部議准每正改米一石編贈耗銀三分共三千六百九十二兩四錢七分九釐

豐城靖安蓮花廳安福萬安五廳縣原編耗費不敷支給經部議准湊足贈耗共銀一千二百三兩一錢七分六釐又南昌新建原無額徵腳耗米經部議准正改米一石編給兌軍贈耗三升共米一千五百七十五石五四斗四升

附 漕南抵兌額數

順治十三年議留甯都贛縣二屬漕米解充虔鎮各營兵糧以奉新靖安等十一屬南米抵兌正改副米數以交軍餘米數作為各縣支解腳米

南昌府奉新縣抵兌兵米二千六百二十四石三升靖安縣抵兌兵米九百七十六石

臨江府清江縣抵兌兵米三千一百八十一石二斗七升九合六勺 新淦縣抵兌兵米二千四百五十二石三斗二升八合一勺 新喻縣抵兌兵米二千二百二

十四石四斗四升六合一勺 峽江縣抵兌兵米七百

二石七斗七升二合九勺

吉安府廬陵縣抵兌兵米三千六百八十三石九斗七
升九勺 吉水縣抵兌兵米一千九百六十六石四斗
九升七合 泰和縣抵兌兵米九百二十二石一升六
合 萬安縣抵兌兵米三百八石九斗六升三合四勺
永新縣抵兌兵米一百九十八石一斗八升一合三
勺

先是銅鼓營兵糧就近於義甯州漕糧內留四百三十
二石改解兵米州漕以安義縣南糧抵兌嘉慶七年銅
鼓營添兵一百一名再留三百六十三石六斗就近解
給以新昌縣南糧抵兌十八年復抽撥銅鼓營兵三十

名移駐安仁縣鄧家埠應支兵米一百八石改由鄱陽
縣漕糧內就近解給義甯州改解兵米仍歸漕糧兌運
南康府安義縣抵兌兵米四百三十二石乾隆三十三年
奉文以一百四十四石復歸州漕起運計留抵兌米
二百八十八石

瑞州府新昌縣添設銅鼓營兵一百一名留義甯州漕
糧三百六十三石六斗就近解給於該縣南糧數內抵
兌

饒州府鄱陽縣抽撥銅鼓營兵三十名移駐安仁縣鄧
家埠留漕糧一百八石就近解給額漕仍改歸義甯州
兌運

屯衛

南昌前衛前幫原額屯田地基塘山堰共五百二十七頃六十六畝一分六釐除雍正五年改歸東流建德二縣屯田地五十三頃八十六畝一分八釐六毫四絲二忽入江南池州府徵解外自康熙十一年至乾隆二十八年後原荒續荒升除抵補見坐彭澤縣成熟屯田地基塘山堰五百五十五頃四十一畝四分四釐共徵籽粒米麥豆糧餘徭蓆竹正折加增銀四千三百九十一兩七分六釐帶徵丁銀一百二十兩三錢二分八釐改并九江府彭澤縣徵解

南昌左衛後幫原額屯田地基塘山堰共一千九十四頃九十五畝三分二釐九絲四忽自康熙十一年至道光二年原荒續荒升除抵補見在成熟屯田地基塘山堰

九百七十九頃一十五畝六分一釐共徵籽粒米麥豆糧正折餘徭蓆竹加增銀七千八百二兩二錢三分四釐帶徵丁銀二百一十三兩二錢七分九釐改并九江府德化德安瑞昌及南康府星子四縣徵解

南昌左衛蘆洲見在計地二百四頃九畝八釐實徵課銀三百三十五兩二錢四分五釐歸九江府同知經徵袁州衛原額屯田二百三十七頃舊有荒塞節年開墾升除抵補低窪荒地成塘蔭注見在成熟屯田地塘二百六頃一釐共徵籽粒米麥豆糧正折餘徭加增銀一千九百三十四兩帶徵丁銀五十二兩九錢九分七釐改并袁州府宜春分宜萍鄉萬載四縣徵解

九江衛

明季屬江南統轄國朝順治初年改歸江西統轄

原額屯田地一千八

百一十七頃八十畝七分七釐六毫自康熙十一年至道光二年原荒續荒升除抵補見在成熟屯田地一千五百八頃四十八畝四分五釐共徵籽粒米麥豆糧正折加增銀一萬一千二百五兩三錢九分四釐帶徵丁銀三百七兩一錢一分三釐改并九江府德化德安瑞昌湖口彭澤及南康府星子六縣徵解

九江衛蘆洲見在計地五百一十五頃八十八畝六分八釐實徵課銀九百五十二兩一錢八分七釐歸九江府同知經徵

贛州所嘉慶二十四年改衛爲所原額屯田餘田九百八十九頃五十畝五分五釐自乾隆三十年至嘉慶九年後原荒開墾新增餘田見在成熟屯田餘田屯塘一千二十一頃

八十五畝五分七釐實徵籽粒米正折餘糧加增銀八千七百一十八兩八錢八分六釐七毫八絲外帶徵丁銀二百三十八兩九錢二分三釐改并贛州府贛縣瑞金雩都興國及南安府崇義五縣徵解

會昌所原額屯田二百二十六頃二十八畝四釐閩省改歸屯田九頃七十一畝七分二釐見在成熟屯田二百三十五頃九十九畝七分六釐實共徵屯糧正折銀一千九百九十兩三錢六分九釐帶徵丁銀五十四兩五錢四分二釐舊歸贛州衛徵給後改歸會昌縣徵解信豐所原額屯田二百一十七頃四十七畝七分五釐嘉慶二十三年清查缺田四頃三十三畝四分六釐實屯田二百一十三頃七畝二分八釐閩省改歸屯田五

十五頃二十一畝二釐凡田二百六十八頃二十八畝
三分道光十一年信豐縣民屯田畝輟輶轡徹底清查丈
出屯田汀田一百一十三頃四十四畝九分五絲會議
具

奏分則派徵田不增課見在成熟屯田三百二十頃三十
二畝七分一釐九毫三絲汀田六十五頃七十三畝九
分四釐一毫二絲共屯汀田三百八十六頃六畝六分
六釐五絲共徵屯糧正折銀二千四百八十一兩九錢
六分二釐帶徵丁銀六十八兩一分三釐舊歸贛州衛
徵給改歸信豐縣徵解

南安所原額屯田一百九十頃八十畝原荒一百六十
二頃六十九畝五分節年開墾未有補足見在成熟屯

田七十二頃三十七畝八分六釐共徵屯糧正折銀五百二十九兩九錢七分四釐帶徵丁銀一十四兩五錢二分三釐舊歸贛州衛徵給後改歸大庾縣徵解

吉安所原額屯田一百一十二頃二十九畝九分六釐節年開墾荒塞益以新增見在成熟屯田一百一十四頃四畝七分三釐實徵籽粒米正折餘徭加增銀一千一百六十六兩八錢五分帶徵丁銀三十一兩九錢七分五釐舊委管屯官徵給後改并吉安府廬陵龍泉二縣徵解

安福所原額屯田一百一十七頃一十畝一分八釐節年開墾原荒未有補足見在成熟屯田一百三頃一十一畝六分一釐實徵籽粒米正折餘糧加增銀一千五

百二十五兩一錢二分七釐帶徵丁銀四十兩六錢七

分八釐舊委管屯官徵給後改并吉安府安福縣徵解

永新所

永新所已於乾隆三十年併建昌所爲永建所茲分載屯田額數故仍舊名

原額屯

田一百二十八頃八十九畝二分三釐節年開墾原荒
未有補足見在成熟屯田一百二十頃一十七畝五分
實徵籽粒米正折餘糧加增銀一千三百二十五兩六
分二釐帶徵丁銀三十六兩三錢一分舊委管屯官徵
給後改分蓮花廳永新縣徵解

龍泉所原額屯田一十七頃七十畝節年開墾已有新
增見在成熟屯田一十八頃二十一畝三分三釐實徵
籽粒米正折餘糧銀一百五十一兩九錢四分八釐帶
徵丁銀四兩一錢六分四釐舊附安福所管徵後改并

龍泉縣徵解

本所未設漕船旗軍奉文改編解部

撫州所原額屯田地基塘山三百八十八頃二十畝六分六釐除雍正五年改歸建德縣屯田地基塘山三百一十八頃六十七畝五分二釐入江南池州府徵解外舊荒墾補及清查丈出多田撥入建德縣外餘田及原荒未除米折照額徵輸見在成熟屯田三十四頃七十一畝一分六釐實徵籽粒米正折餘徭加增銀二百二十八兩七錢七分五釐帶徵丁銀六兩二錢六分九釐舊委管屯官徵給後改歸饒州府餘干安仁二縣徵解建昌所原額屯田地九十二頃八分舊墾荒田自乾隆三十五年至嘉慶九年後丈缺原荒未有補足見在成熟屯田地八十四頃二十四畝三分二釐實徵籽粒米

麥豆糧正折餘徭加增銀一千九十九兩二錢三分帶

徵丁銀三十兩一錢四分八釐舊委管屯官徵給後改

歸建昌府廣昌縣徵解

建昌所原無屯地因荒不成田作地耕種仍係屯田額數今照

南昌前衛屯地科則編徵

廣信所原額屯田二百二十頃六十畝又興安縣首墾

地四十七畝三分八釐節年開墾原荒新田未有補足

見在成熟屯田地一百五頃二十七畝五分八釐實徵

籽粒米麥豆糧正折加增銀一千七十八兩三錢四分

七釐帶徵丁銀二十九兩五錢五分舊委管屯官徵給

後改歸廣信府上饒玉山廣豐興安四縣徵解

鉛山所原額屯田二百三十一頃一十五畝又鉛山弋

陽興安三縣首墾屯田一十七頃三畝四分一釐節年

十一兩九錢九分五釐帶徵丁銀二十六兩三錢六分
一釐舊委管屯官徵給後改歸饒州府鄱陽縣徵解

軍船

國朝江西漕糧運船原額一千三號歷年改折分載帶運
蠲荒裁減自雍正四年清查天下漕船江西十四幫千
有三船併造減淺者七十有四減存積缺者二百二十
有一實七百有八船乾隆初存船六百九十有九初議
增造二十四年漕運總督楊錫紱奏加一裁減江西凡
裁減疲船七十隻每船追繳底料銀江西漕船底料銀
例繳每船六十兩
充餉迄今實運船數凡六百三十有八定制運軍成造
漕船及賠補雇募拆壘給銀有差南昌衛新造每船六
百五十兩賠造三百
兩買補二百兩雇募一百六十兩袁州衛新造四百兩
賠造一百兩買補八十兩雇募六十兩贛州衛新造一

工	二	三	程	造	九	安	募	兩	募	造	五	買	買	百	買	屯	船	加	二	公	所
兩	百	百	募	一	百	建	六	募	於	五	十	補	補	六	十	田	加	給	十	每	歷
賠	兩	兩	一	百	兩	昌	十	募	餘	五	兩	八	八	十	十	租	給	銀	兩	造	年
造	信	豐	百	六	二	所	四	存	屯	百	兩	十	十	兩	兩	銀	銀	三	一	餘	租
三	二十	所	二十	十	所	新	十	兩	租	兩	陽	兩	兩	兩	兩	信	六	百	船	加	銀
兩	兩	新	兩	兩	新	造	兩	兩	酌	兩	貴	兩	兩	兩	兩	豐	十	兩	十	年	給
買	拆	造	買	買	造	三	安	給	給	兩	溪	兩	兩	兩	兩	所	大	兩	十	給	內
補	壘	一	補	補	四	百	福	撫	州	兩	所	兩	兩	兩	兩	每	修	兩	兩	五	增
一	千	千	一	一	兩	賠	所	所	募	兩	轄	兩	兩	兩	兩	造	加	兩	兩	十	給
百	兩	兩	兩	兩	兩	造	四	城	六	兩	船	兩	兩	兩	兩	給	給	一	兩	在	該
六	十	十	兩	兩	兩	賠	百	軍	十	兩	隻	兩	兩	兩	兩	給	五	十	兩	新	造
十	兩	兩	兩	兩	兩	一	賠	新	兩	兩	新	兩	兩	兩	兩	嘉	十	兩	兩	船	額
兩	兩	兩	兩	兩	兩	百	造	廣	兩	兩	八	兩	兩	兩	兩	慶	兩	兩	兩	三	原
兩	兩	兩	兩	兩	兩	兩	十	信	兩	兩	八	兩	兩	兩	兩	五	兩	兩	兩	百	編
兩	兩	兩	兩	兩	兩	兩	兩	兩	兩	兩	兩	兩	兩	兩	兩	年	兩	兩	兩	兩	每
兩	兩	兩	兩	兩	兩	兩	兩	兩	兩	兩	兩	兩	兩	兩	兩	造	兩	兩	兩	兩	年
兩	兩	兩	兩	兩	兩	兩	兩	兩	兩	兩	兩	兩	兩	兩	兩	輪	兩	兩	兩	兩	輪
兩	兩	兩	兩	兩	兩	兩	兩	兩	兩	兩	兩	兩	兩	兩	兩	造	兩	兩	兩	兩	造
兩	兩	兩	兩	兩	兩	兩	兩	兩	兩	兩	兩	兩	兩	兩	兩	一	兩	兩	兩	兩	百
兩	兩	兩	兩	兩	兩	兩	兩	兩	兩	兩	兩	兩	兩	兩	兩	隻	兩	兩	兩	兩	隻

乾隆四十一年部議成造漕船每船額給料價銀二百

八兩七錢七分三釐今江西省起運六百三十八船凡輪造六十三隻八分加一成造歲用料價銀一萬三千三百一十九兩七錢一分八釐次年小修船給料價三兩三年四年中修年給料價五兩五年起十年止大修年給料價七兩修艖銀一船給七兩五錢

乾隆五十年議定江廣漕船船式船身長九丈五尺寬一丈六尺五寸底長七丈二尺兩庖兩棧深六尺九寸天篷高二尺八寸大桅頭桅收低去天篷上牌樓樣檣欄桿船身喫水尺寸則刊明棧板之上俾易查驗查驗九法一木二板三底四樑五棧六釘七縫八艖九頭

梢會典事例

南昌前衛前原額軍船六十一隻乾隆十二年裁存疲

船一隻二十四年裁減疲船四隻見運軍船五十六隻
南昌左衛後原額軍船六十隻乾隆十三年裁存疲船
一隻二十四年裁減疲船五隻見運軍船五十四隻
袁州衛袁伍原額軍船二十七隻乾隆二十四年裁減
疲船三隻見運軍船二十四隻

南前撥入袁州衛原額軍船二十二隻乾隆二十四年
裁減疲船三隻見運軍船一十九隻

贛州所原額軍船六十隻

未經裁減

九江前衛原額軍船五十隻乾隆二十四年裁減疲船
五隻見運軍船四十五隻

九江後衛原額軍船六十二隻乾隆二十四年裁減疲
船六隻見運軍船五十六隻

吉安所原額軍船六十四隻乾隆五年裁存疲船一隻二十四年裁減疲船六隻見運軍船五十七隻

永建所永伍原額軍船三十四隻乾隆二十四年裁減疲船六隻見運軍船二十八隻

永建所建伍原額軍船三十二隻乾隆二十四年裁減疲船八隻道光十八年裁減故絕船二隻見運軍船二十二隻

安福所安伍原額軍船二十三隻乾隆十五年裁存疲船一隻二十四年裁減疲船四隻見運軍船一十八隻南前撥入安福所原額軍船二十五隻乾隆二十四年裁減疲船四隻見運軍船二十一隻

撫州所屯軍原額軍船二十一隻乾隆二十四年裁減

渡船二隻見運軍船一十九隻

撫州所城軍原額軍船一十四隻

未經裁減

廣信所廣伍原額軍船一十三隻乾隆二十四年裁減
渡船二隻見運軍船一十一隻

南後撥入廣信所原額軍船二十六隻乾隆二十四年
裁減渡船三隻見運軍船二十三隻

九前撥入廣信所原額軍船一十三隻乾隆二十四年
裁減渡船一隻見運軍船一十二隻

鉛山所鉛伍原額軍船一十六隻乾隆十七年裁存渡
船一隻二十四年裁減渡船四隻見運軍船一十一隻
九前撥入鉛山所原額軍船四十隻乾隆二十四年裁
減渡船一隻見運軍船三十九隻

饒州所饒伍原額軍船二十九隻雍正十年乾隆二年十七年三次裁存疲船三隻二十四年裁減疲船二隻見運軍船二十四隻

南前撥入饒州所原額軍船二十四隻乾隆二十四年裁減疲船一隻見運軍船二十三隻

見運一十三幫軍船六百三十六隻每年加一新造船六十三隻六分濟造濟運由餘和銀兩支給 南昌衛一百九十六船每船年給濟運銀五十兩造船船給濟造銀六百五十兩 九江衛一百五十二船每船年給濟運銀八十七兩造船船給濟造銀九百兩 贛州所三十船每船年給濟運銀二百八十兩造船船給濟造銀一千兩 信豐所十五船每船年給濟運銀三百五

十兩造船船給濟造銀九百兩 會昌所十五船每船

年給濟運銀三百一十兩造船船給濟造銀四百兩

袁州衛二十四船每船年給濟運銀七十兩造船船給

濟造銀四百兩 吉安所五十七船每船年給濟運銀

五十兩造船船給濟造銀三百兩 安福所十八船每

船年給濟運銀一百兩造船船給濟造銀四百二十兩

永建所永伍二十八船每船年給濟運銀一百兩造

船船給濟造銀四百兩建伍二十二船每船年給濟運

銀一百兩造船船給濟造銀四百五十兩 饒州所二

十四船每船年給濟運銀六十兩造船船給濟造銀四

百兩 撫州所屯軍十九船每船年給濟運銀一百二

十兩造船船給濟造銀五百兩城軍十四船每船年給

濟運銀八十八兩八錢六分二釐三毫造船船給濟造銀四百兩 廣信所上饒興安九船每船年給濟運銀一百一十九兩造船船給濟造銀六百五十兩弋陽貴溪二船每船年給濟運銀二百兩造船船給濟造銀八百兩 鉛山所十一船每船年給濟運銀二百六十兩造船船給濟造銀八百兩

附 漕船拆變始末

咸豐三年粵賊擾江西自湖北武昌竄入九江下蕩安慶江西漕船停泊途次遭賊焚掠巨礮轟裂風水沖失沈溺漂沒凡四百六十九船九年漕運總督袁甲三奏軍興以來停歇軍船朽壞殆盡私拆報燬周知爲難資賊偷渡軍防非便請

旨飭下有漕省分各督撫查明存船無論已未滿號一律拆卸

扣繳底料銀兩船板變價酌給丁舵以示體恤於是江西存船一百六十七隻盡數拆變江西產木之區漕運久停丁困船朽拆板變價為值無多爰以四年滿料未拆各船起至奉文拆變止例繳底料每船銀六十兩計一萬二十兩援案於各幫船節年應領苦蓋贈剝米價

扣繳底數奉

旨允行

護巡撫孫長絨片奏再查前准戶部咨咸豐九年八月十二日奉

變價一摺自南糧或有由海運或改折色各幫軍船停歇日久既多朽壞又有丁役人等私拆盜賣百弊叢生其應交底料銀兩盡歸無著於經費亦有關係既據該署漕督札飭各糧道確查各船數目並成造年限分別核辦著有漕督撫各將該省存船數目無論已未滿號一概儘數拆卸應支底料銀兩照數扣繳其船板變價除酌給丁舵以示體恤外餘俱報明存庫俟辦理河運時作為津貼之費其山陽清河高郵寶應境內停泊各幫船隻

卽著袁甲三就近派員查明一律拆變以節經費該部知道欽此等因當經轉行遵照去後茲據督糧道段起詳稱道查江西省額設軍船六百三十六隻內除歲豐三年被匪焚擄並破打沈溺漂淌無踪以及節年滿料失風各船共計四百六十九隻實存在途在次停泊約共船一百六十七隻經前道李恒札飭各幫運弁查明存船無論已未滿號概行拆變將底料銀兩同船板變價儘數辦繳聽候報撥並酌給丁舵嗣後各幫運弁轉據各船軍丁稟明江省軍船自咸豐三年河道梗塞全行停泊時歷七年軍丁遭罹兵燹困苦異常修船無資船身多有朽壞江省本係產木之區拆賣朽腐板片每船價錢不過三四千文尚不敷應繳底料銀兩實無船板變價銀兩可繳又經李恒札委前任南昌府知府夢麟確查屬實隨飭各幫丁照例定底料銀數備足呈繳每船六十兩先後共收銀一萬二千兩如數存儲道庫茲據各幫弁造具各船年第清冊由道呈請具奏前來臣覆核無異除將清冊送部外理合會同協辦大學士兩江總督臣曾國藩漕運總督臣吳棠附片陳明

俸廩

領運掌印守備俸薪工食銀一百五十六兩七錢六釐
領運掌印守禦千總俸薪工食銀一百一十二兩七錢

六釐領運千總俸薪工食銀九十兩隨幫百總廩工銀五十四兩領運之年各給行糧米三石原編領運屯丁一萬三十名軍伴三十二名自屯糧改歸縣徵後軍伴俸裁屯丁因兵燹逃亡併淺減外領運屯丁凡七千八十名乾隆中裁減疲船復除七百名以六百三十八船運正改米五十萬二千六百一石八斗七合每石給行糧四分五釐月糧一錢二分凡一錢六分五釐計行月銀當得八萬二千九百二十九兩二錢九分八釐乾隆三十六年題准行月二糧照湖北例以七錢一石折給計加增五釐五毫凡增行月銀二萬七千八百九十四兩四錢

舊例單年雙年領運停運俸廩有差領運俸廩由漕運

屯糧支給停運俸廩由存留屯糧支給嘉慶六年部議
統歸督糧道支給造報見在無論單年雙年領運停運
每年支給俸廩領運之年支給行糧

南昌衛

軍丁三萬六千五百三十三丁又撥入袁州衛

丁撥入廣信所

五千五百五十九丁

撥入饒州所五千八百五十六丁

領運守備一員領運掌印千總三員隨幫百總二員俸
廩工食銀四百二十六兩七錢六釐每年輪運四員行
糧銀七兩二錢

袁州衛

軍丁五千三百四十六丁

領運掌印守備一員領運千總一員隨幫百總一員俸
廩工食銀一百四十四兩每年輪運二員行糧銀三兩
六錢

贛州所軍丁二萬九百五十二丁又并信豐所一萬八千二百四十五丁會昌所七萬二千四百四十

丁二

領運掌印守禦千總一員領運千總一員隨幫百總一員俸廩工食銀二百二兩七錢六釐每年輪運二員行糧銀三兩六錢

九江衛軍丁三萬一千七百三十七丁又撥入廣信所六千七百五十五丁撥入船山所九千二百八十四丁官舍軍丁一百一十七丁

領運千總四員隨幫百總二員俸廩工食銀四百六十八兩每年輪運四員行糧銀七兩二錢

吉安所軍丁二萬四千四十五丁

領運掌印守禦千總一員領運千總一員隨幫百總一員俸廩工食銀二百五十六兩七錢六釐每年輪運二

員行糧銀三兩六錢

安福所

軍丁一萬一千二百二十三丁

領運掌印守禦千總一員領運千總一員隨幫百總一

員俸廩工食銀二百五十六兩每年輪運二員行糧銀

三兩六錢

永建所

永伍二萬二千二百九十七丁建伍一千九百七十四丁

領運掌印守禦千總一員領運千總一員隨幫百總一

員俸廩工食銀二百五十六兩七錢六釐每年輪運二

員行糧銀三兩六錢

撫州所

屯軍三千五百三十六丁城軍七千二百六十三丁

領運掌印守禦千總一員領運千總一員隨幫百總一

員俸廩工食銀二百五十六兩七錢六釐每年輪運二

員行糧銀三兩六錢

廣信所

軍丁二千五百一十六丁

領運掌印守禦千總一員領運千總一員隨幫百總一

員俸廩工食銀二百五十六兩七錢六釐每年輪運一

員行糧銀三兩六錢

鉛山所

軍丁二千四百七十七丁

領運掌印守禦千總一員領運千總一員隨幫百總一

員俸廩工食銀二百五十六兩七錢六釐每年輪運二

員行糧銀三兩六錢

饒州所

軍丁一萬三千六百六十三丁
所舊分屯軍藩軍仍故明舊稱謝志

錢州

領運掌印守禦千總一員領運千總一員隨幫百總一

員俸廩工食銀二百五十六兩七錢六釐每年輪運二

員行糧銀三兩六錢

附 水次漕倉

各廳州縣兌漕省倉自咸豐三年後寇亂遭燬南昌所屬豐城及饒州鄱陽諸縣附近水次諸倉廩舍蕩然惟餘舊址類記於末以志興修

南昌縣倉在進賢門外河街 新建縣上下二倉上倉

在禮賢坊大街下倉在隆興觀塘 豐城縣二倉建立

豐城一在東門外曰永便倉一東距縣十里曲江口西

糧倉 進賢縣倉在進賢門外河街 武甯縣倉在惠

民門外 義甯州倉在章江門外 奉新縣倉在德勝

門外 靖安縣倉在章江門外茅竹架下 高安縣倉

在德勝門外塘子裏 上高縣倉在章江門外 新昌

縣倉在進賢門外 清江縣倉在塘子裏 新喻縣倉
在廣潤門外 新淦縣倉在塘子裏 峽江縣倉在章
江門外 廬陵縣倉在廣潤門外濠上 吉水縣倉在
廣潤門外 泰和縣倉在塘子裏 安福縣倉在章江
門外 永豐縣倉在惠民門外 龍泉縣倉在德勝門
外 萬安縣倉在章江門外 永新縣倉在章江門外
阮家窪 蓮花廳倉在章江門外 臨川縣倉在進賢
門外 金谿縣倉在惠民門外蓼洲上 東鄉縣倉在
進賢門外 崇仁縣倉在惠民門外 南城縣倉在惠
民門外蓼洲 南豐縣倉在進賢門外 新城縣倉在
進賢門外 漣溪縣倉在進賢門外定例民折官辦在
省採買交兌 上饒縣倉在塘子裏 玉山縣倉在塘

子裏 廣豐縣倉在塘子裏 鉛山縣倉在章江門外
阮家窪 弋陽縣倉在塘子裏 興安縣倉在塘子裏
貴溪縣倉在阮家窪 餘干縣倉在章江門外茅竹
架下 安仁縣倉在進賢門外 建昌縣倉在章江門
外 安義縣倉在章江門外 鄱陽縣倉在饒州府便
兌 樂平縣倉在饒州府便兌 浮梁縣倉在饒州府
便兌 德興縣倉在饒州府便兌 萬年縣倉在饒州
府便兌 都昌縣倉在縣城內便兌 贛縣漕米運省
兌軍無倉

乾隆三十一年定例修倉米石改徵銀兩各屬有省縣
兩倉者每漕糧一石於舊徵漕費一釐五毫外加徵銀
二釐五毫以十分之三存縣歲修七分解道庫以備大

修二十年為滿限會典事例

附丁漕改章前後部議

戶部為遵 奏議減丁漕浮收釐定章程一摺同治四年
 孫長紱 奏議減丁漕浮收釐定章程一摺同治四年
 八月二十一日軍機大臣奉 旨戶部議奏欽此
 欽遵交出到部據原奏內稱江西每年額徵起運地丁
 銀一百五十五萬三千餘兩漕米則本折兼納要皆浮收繁
 向來地丁則銀錢并收漕米則本折兼納要皆浮收繁
 重習為固然揆其積弊不得不由蓋以州縣捐攤公費以及
 餽贈陋規為數浩繁不得不由蓋以州縣捐攤公費以及
 襲多年官民交困同治元年七月內經臣曾國藩 奏
 請豁免江省奏派州縣捐攤各款案內聲明現在設法
 減徵錢漕妥議章程另行奏辦並將本省需用之款向
 由州縣攤出者另籌一項永禁捐攤等因欽奉
 俞允當經前撫臣沈葆楨查得江西額徵地丁每銀一
 兩或收銀一兩五錢至一兩七錢不等或收錢二
 千四百五十文至三千一百文不等額徵漕米完本色
 者每米一石或收米一石或收銀四錢五斗至一石七
 完折色者每米一石或收米一石或收銀二錢三斗至
 收錢三四千至六七千不等收銀二錢三斗至一石七
 銀八兩之處又各屬尚有拖欠錢漕議立加價限期
 原為設法催科第漫無限制不免任意遞加此民生之

因由於徵收丁漕浮數太甚也又查州縣歲額招攤內
除奏明派攤各款外有由各上司派捐應用者有各屬
自行詳府分年捐攤歸款者每縣每年或需銀萬餘兩
或需銀數千兩此外尚有各項餽贈陋規又有才矜劣
監包攬完漕每名曰包戶向設紳戶情米名目皆完數極
少官爲暗賠每縣一歲所需亦與捐攤銀數相等此州
縣之困由於耗費過多也爰是臣會同藩司與前撫臣沈
葆楨定議丁漕兩項一律折收足錢二千四百文每漕
地丁一兩連加一耗羨折收足錢二千四百文每漕米
一石折收足錢三百文如將來銀價大長收錢不敷准按每
庫平足銀一兩易錢一千六百文扣算改收銀兩仍隨
時報明辦理其按限加價一節地丁分爲二年自開徵
至當年年底止按照定價徵收如有遲至次年正月開
一日以後始完者每兩加徵銀一錢漕米分三年限各就
地方收成遲速酌定開徵日期以一個月爲限每石再加
按五錢定價徵收二限不完照例拘追懲辦初限定價既係
銀錢倘逾三限不完照例拘追懲辦初限定價既係
收錢其二三兩限外加價銀數亦照例扣收如將來
運道疏通北漕復舊再行體察情形改徵本色然總不
出現定收數範圍之外約計丁漕兩項每年核減向不
浮收銀數不下百萬有奇民生藉資休息關係良非淺
鮮至州縣奏攤各款款已沐天恩全行豁免此外
本省派捐詳攤之款悉予裁停一應餽贈陋規嚴行禁

革其有實在按年需用之捐款公費與夫各屬先已定
 案必須補捐足數之款酌定每地丁一兩另提銀一錢
 六分每漕米一石另提銀二錢七分在於減定丁漕收
 數內提支并於漕糧減定徵數外絲毫另取於民亦不
 公湊用固不於減定徵數外派捐攤名目以致州縣
 於酌定提數外續有加提或另派捐攤名目以致州縣
 仍前困苦州縣於減定丁漕收數除地丁完解正耗銀
 一兩一錢漕米完解部價銀一兩收數除地丁完解正
 捐款公費外計尚稍有盈餘足敷辦公之用計自元年
 定章以來試行數載一切俱有成規其舊欠各年錢糧
 悉照新章辦理等語臣等伏查該省地丁例有定額漕
 米向徵運本色咸豐三年停運後奏明每石折銀一兩
 三錢解部丁漕兩項自應均令照章徵收惟據奏稱本
 省辦公藉資丁漕兩項若不應均令照章徵收殊非經
 語亦係實在情形所請丁漕一耗羨一律折收足錢二
 千四百文解兌每地丁一兩連加一耗羨折收足錢二
 千四百文每漕米一石折收足錢三錢除地丁完解正
 耗羨銀一兩一錢加錢二百文除地丁完解正耗羨銀
 錢漕米完解部價一兩三錢外其本省有實在需用之
 捐款公費與先已定案必須補捐足數之款每地丁銀
 一兩另提銀一錢六分每漕米一石另提銀二錢七分
 在於減定丁漕收數內供支之處應請准如所奏在於
 解部款外餘剩丁漕數內供支惟既經明定章程徵收
 錢文數目必須一成不易共見共聞官吏方無可影射

閭閻方有所適從所以近年湖北浙江核減丁漕浮收各案皆將定數勒石以昭信守若如原奏所稱銀價不敷准按每銀一兩易錢一千六百文改收銀兩等語是收銀收錢迺無定準吏胥必多方勒掯愚弄小民原奏又稱地丁分爲兩限自開徵至當年止按定價徵收遲至次年者每兩加銀一錢漕米分爲三限各就地方開徵日期以一個月爲一限初限按定價二限加銀五錢三限再一個月爲一限五錢加價數內酌提八成歸公等語查各屬開徵日期惟州縣主之小民輪納日期亦惟州縣知懸遠者此中弊竇不惟部臣無由考核外省即司亦難稽查屬吏將見取諸民者無不逾限加價補公項二成者皆爲依限額徵且加價錢文以入成提該護撫州縣自徵數外絲毫另取此逾限有加價即另取之端也該護撫又謂不得於提數外續有加提此八成歸公卽准於徵數外絲毫另取此逾限有加價即另取之端也

來北漕復舊改徵本色總不出現定範圍之外想係確
有把握惟向來隨漕徵收各款為數甚鉅是否與正漕
一律折徵報解原奏內並無隻字提及應令逐款切實
聲明報部核辦所有臣等遵旨鑒事江奏為遵
否有當伏乞 皇 上聖鑒 戶部謹 奏

坤一 奏議 奏恭摺仰祈 聖鑒事江奏為遵

年八月十六日軍機大臣奉 旨 戶部議奏欽此

欽遵抄出到部據原奏內稱前准 戶部咨覆前護撫孫

長拔 奏議減丁漕浮收釐定章程一案以地丁一兩

連加耗折收足錢二千四百文漕米一石折收足錢三

千文萬安樂平二縣視各屬每米一石加錢二百文既

經明定章程必須一成視各屬每米一石加錢二百文

准按每銀一兩易錢一千六百文改收現銀一兩等語

是收銀每銀一兩易錢一千六百文改收現銀一兩等語

微至當年分底止無定數原奏又稱地丁分年者每兩加銀

一錢漕米分底止無定數原奏又稱地丁分年者每兩加銀

一限初限按照定價二限就地方開徵日期以一個月為

價數內酌提八成歸公等語查各屬開徵日期惟州縣

主之如分年按月遞加其中語查各屬開徵日期惟州縣

去懸遠者斷難准行應毋庸議再漕糧折價究係一時

權宜現在辦理折漕仍須處為規復起運地步原奏

內稱將來北漕復舊改徵本色總不出現定範圍之外

想係確有把握惟向來隨漕徵收各款為數甚鉅是否

經政略

經政略

經政略

經政略

經政略

與正漕一律折徵報解原奏並未提及應令聲明等因
奏准咨行到江當經轉行去後茲據藩司文輝稟稱道平
步青會詳稱伏查地丁漕米扣減浮收定價固宜從輕
立法亦貴盡善異日規復漕運尤當寓意於折價之中
底幾經久無礙祇緣江西議減丁漕之日正當瘡痍初
起之年意在體卹民艱所定折收錢數過於減少一遇
銀價昂貴必致支解不敷故定改收銀數正欲收錢收
銀各有不易之數使人共見共聞有所遵從也自上年
以來銀價漸漲長州縣照前徵錢易銀解支不敷漸鉅
不准其變通在廉重自愛之員彌縫乏術難期實力催
徵不肖者更敢侵貪之漸在糧戶收運愈難措置因在
所省愈多於日後復徵本色起運銀兩長落與時變通
江蘇折漕收錢案內經部議准起運銀兩一律應請以
該撫奏明更改等因在案江西事同一律應請以錢共
千六百文扣銀一兩五錢每漕米一石一兩連加一耗
收庫平紋銀一兩二錢五分每漕米一石折收庫平紋
兩九錢萬安樂平二縣視各屬每石多銀一錢二分五
釐所有改定收銀數內除地丁完解正耗銀一兩一錢
漕米完解部款銀一兩三錢以及原定提補用款公費
之外盈餘銀兩仍照原議留為州縣辦公之費如日後
銀價大長大落必須與時變通再當隨時奏明不准
縣擅自更張至逾限加價於催徵尚無大礙惟漕米一
年督臣曾國藩查覆南昌縣加漕案內據實奏明在
地丁雖不逾限加價於催徵尚無大礙惟漕米一免逾

限加價竟至完納不前揆厥所由江西丁漕花戶類多
散處糧在此而人在彼俗語謂之穿圖漏甲比比皆然
非逾限加價促使爭完實無把握地丁分上忙下忙例
限本屬寬綽漕糧例係秋後開徵冬閒兌運今辦折漕
停其按限加價甚重實有積疲成性異日復徵本色莫能轉
滯為暢關係甚重實有必不可免之勢在部臣防州縣
舞弊與初二西早已計慮及此通屬開徵日期不遇知定章
案與初二西早已計慮及此通屬開徵日期不遇知定章
已立數年暗訪明查實無改期朦朧收之弊惟是原定二
三兩限每石各加收銀五錢為數稍重應請嗣後漕糧
二三兩限各祇加銀三錢全給州縣湊濟辦公免其分
成提解至隨漕徵收各款與正漕統與腳耗銀兩俱係
循例另徵惟腳耗米仍歸州縣支用外所有漕項錢糧與
腳耗內坐支銀米仍歸州縣支用外所有漕項錢糧與
夫腳耗銀內給米之項俱係節省報解充餉此項年仍給
內給丁贈扣米石咸豐二三四等年報解充餉此項年仍
年以後亦係節省報解充餉此項年報解充餉此項年報
三副米津貼者不同是以每石向祇折解銀一兩應請
各循舊章辦理邀免另議臣覆核無異各等語臣等伏
查江西額徵漕米向係兌收本色全數起運以漕項餘
米及屯田餘租等項為起運之費自暫改折色以來每
米一石僅止解部銀一兩三錢為數較微若不准其於
解部漕價之外酌量加收非特本省辦公竭蹶且恐規
復漕運舊制諸多窒礙是以改折之初即議令徵收米

石由官糶變按例價解部盈餘之款准其留充軍餉及
同治四年前護撫臣孫長紱擬定章程奏請每漕米
一石折收足錢三千文萬安樂平二縣每石加錢二百
文除解部漕價外餘款留充本省及各該州縣辦公之
費臣部亦照該護撫所議折徵解支各數目覆核議准
並未駁部減分毫惟或收錢文或收銀兩議令劃一辦理
不准私自更改以昭信守而杜影射其逾限加價一節
因各屬開徵日期並無一定又不截清限期及徵收數
目報部深恐各該州縣有改期朦朧收之弊是以一併議
駁奏准遵行在案茲據撫臣劉坤一奏近年銀價
漸長州縣以錢易銀解支不敷漸鉅糧戶收稻售銀易
錢納賦所省愈多日後起運本色愈難措置請按每米
一石改收銀一兩九錢萬安樂平二縣每石加銀一錢
二分五釐以兩三錢解部以二錢七分提充本省捐
款公費餘為各該州縣辦公之用等因查該省漕額甚
鉅起運本色於倉儲大有裨益本年暫行援案折徵來
歲必須籌運本色茲該撫為日後微運本色起見請以
向徵制錢三千文者改收現銀二兩二分按之原定價
值不甚懸殊且奏明一律收現銀與州縣私自改章者
該撫奏稱銀價較昂州縣不敷漸鉅糧戶盈餘日多
將來改收本色愈難措置應即准其改徵現銀其解支
各數均查照奏定章程辦理無庸另議至逾限加價一
節查江蘇折漕案內曾據督臣李鴻章奏請每漕米

一石年內折收四千五百文年外五千文當年經臣部
奏令嚴飭各屬年內埽數全完如實有疲戶年外完納
者該督撫務於年底將各屬已徵若干未徵若干截清
奏報誠以州縣經徵必將依限及逾限各數分別報明
方免影射多徵之弊茲該撫以江西完糧各戶率多疲
玩且住無定穿圖漏甲比比皆然非逾限加價催科
實無把握將加價銀兩全給州縣辦公等因查江蘇完糧
三錢加價分年內全給州縣辦公等因查江蘇完糧
加價止分年內全給州縣辦公等因查江蘇完糧
徵之兩限每石一個月為一錢較之江蘇限除初限愈為繁瑣
二令該撫將各屬加銀日期及每屆一限已收未收
糧總數專策報部一次即准其照章加收庶催科既有
把握而收數亦有所稽查矣至所請加價銀兩全給州
縣之處核與前護撫孫長紱原請二成加價銀兩全給州
之數轉至增多不足昭核實且恐成各州縣改期朦
收之弊應令仍照前議將所有按限酌加銀兩酌提
一成歸公以二成給予州縣以備考核而杜流弊又該
用外其餘漕項耗米據稱除向例坐支銀米歸州縣支
石自同治五年以後一律報解充餉又給丁贈銀扣米
兩等語應令仍舊辦理惟漕項耗銀米每石解銀一
銀兩均係辦運需要應令飭屬認真徵收按年報銷現
時既可接濟餉需來年即可為起運之費總之該省來

歲漕糧必須辦運本色其一切辦法必須提前預籌不
得延至來歲改徵時始行籌議又致指手不便起運本
收解支章程從寬議准即為體卹州縣以稍事浮勒至
起見該撫務宜嚴飭各屬照章徵收不准稍事浮勒至
地丁則與漕折有間原係例定徵銀款目折徵制錢不
過一時權宜今該撫奏稱自上年銀價漸長州縣照
章徵錢艱於報解自係實在情形應如所請地丁一兩
連加一錢耗羨准其徵庫平紋銀一兩五錢連傾鎔火
等項在內耗羨不得另說倘於奏定收數外私自加增
准有逾限不加價之說倘於奏定收數外私自加增巧
名目即由該撫嚴參懲辦毋稍姑容至所請改定收銀
數內完解正耗銀一兩一錢餘為提補捐款公費並州
縣辦公之用均請准如所奏辦理仍令將完解正耗及
捐款公費州縣辦公各費細數分款報部以備查核胡
戶部為遵奏江西省丁漕違例加徵請抄出左部御史胡
家玉同治十二年七月二十九日奉
一都御史胡家玉奏江西省錢糧違例加徵請飭裁革
並不得私立捐款公費名目等語當諭令劉坤一嚴飭
所屬州縣恪遵定例不准絲毫浮收如查有私立捐款
公費名目額外加徵即著嚴行參辦嗣據劉坤一奏據
實直陳丁漕改章實在情形請仍照新章辦理當經允
准仍諭令隨時認真稽查倘有絲毫浮收即行從嚴參
辦茲復據胡家玉奏懇陳江西省有絲毫浮收即行從
嚴參辦

飭部核議等語著戶部按照該左都御史所陳各節及
江西省現在情形應如何辦理該左都御史所陳各節及
核妥議具奏至所稱請嚴飭各州縣不得將上之司之民
應道府之濫規節舊諸陋規乃立辦公名目取之於民
等語著該撫仍遵前旨嚴飭所屬各縣查除以前錢糧
而卹民生欽此欽遵抄出到部等因欽此查江西省錢糧
定例徵銀一兩隨徵耗銀一錢五分自雍正十三年以後
奉 諭旨逆肆撥江不惟絲毫加徵迄今百數十年官民相
安迨粵錢糧不能照舊徵收城外幾無完區民無出地方
業地丁錢糧歷屆攤捐舊微收軍餉受累日深遂多辦理
州縣復因歷屆攤捐舊微收軍餉受累日深遂多辦理
善嗣經兩江總督督指撥舊微收軍餉受累日深遂多辦理
百餘萬兩使州縣積累既清永無藉口復與前撫銀二
葆積確核定議將地丁每銀一兩連加一耗與前撫銀二
錢二千四百文其有實在地丁需用之捐款公費與先已定
案必須補捐足數之款每地丁一兩另提銀一錢六分
在減定收數內提支不准於減定收數外絲毫另取於
民亦不得於提支外續有加提或另派攤捐名目核計
當時江省情形官民兩無所虧本屬權衡至當迨同治
七年撫臣劉坤一奏江西銀價漸長州縣照前收錢
解支不敷漸鉅請以錢一千六百文扣銀一兩計每
地丁一兩連加一耗共收庫平銀一兩五錢五分計
會國藩原定一正一耗共收庫平銀一兩五錢五分計
符合是以准如所請辦理本年四月間經該左都御史

實秦請裁革江西省違例錢糧復經撫臣劉坤一摺陳
在陳似屬實事求是之意惟是小民無知深恐未能洞悉
稍有不善轉以例外加徵為口實該地方官若辦理
撫而怨未善朝廷該左都御史所奏百姓將不怨州縣督
國家定制本有常經辦理因時亦期妥善擬請酌
飭下江巡撫按察司會同藩臬原定每銀一兩連加一耗
毋庸徵收實銀蓋富戶少而貧民多窮鄉僻壤酌加錢數
之小諸多耗折不若仍舊色之低潮交官時又有平碼之
大仍每兩不得逾二百文以收之限制俟銀價稍減再歸
數定之數徵收以符原議如此辦理州縣所辦之費仍
原於銀價之中無取於民開之加派一切私立名目舉
取不得藉口即該左都御史所謂於無可變通之中暫求
變通無加賦之名而不御史所便民之意者惟查同治元
年會國藩奏免捐攤各款案內原議州縣既無賠累
以後務令激發天良年清年款如有藉口民欠以致額
徵短缺者嚴參治罪查江西一省每歲額徵地丁銀一
百九十餘萬兩除支外實應起運銀一百五十餘萬
兩或一部歷檢各案奏銷除奏明應緩不計外官徵在

四五十萬不等該左都御史既諄諄以民困為詞而撫
 臣又切切以公費為慮至於額課之盈虧曾未一言議
 及似於體國卹民之意亦未兩全應令該撫嚴飭所
 屬實力整頓務令年清年款不准仍蹈從前積習以
 糾參其漕折一項查江西南省額徵漕糧例應兌收木
 全數起運成豐年開奏辦折徵原係一時權宜之計嗣
 因軍務未平驟難規運本色同治四年據前護撫臣孫
 長綬奏明每米一石折收足錢三千文萬安樂平二
 縣每石外加錢二百文各屬以錢易銀除每石解部銀一
 兩三錢外餘款留充本省及該州縣辦公之費當經
 臣部議准同治七年撫臣劉坤一因銀價漸昂以錢易
 銀不敷支解奏請每米一石改收銀一兩九錢萬安
 樂平二縣每石加銀一錢二分仍以一兩三錢解部
 錢七分提充本省捐款公費其餘均與原定收銀價
 因復經臣部以折漕改收銀數核與原定收銀價不
 甚懸殊且據聲稱係為規復本色起運是以均如所奏
 覆准各在案茲據該左都御史奏陳江西省漕糧每
 石折收銀一兩九錢較之一兩三錢之部章多收去錢
 請由臣部核議等語查漕折則本應微運本色其改收
 耗銀兩例有明文漕折則本應微運本色其改收折色
 銀兩係各按各省情形從權酌辦現時折漕省分河南
 省解部銀一兩二兩徵之於民則以三兩為率安徽省
 解部銀一兩三錢徵之於民則以二兩為率江西省俱係
 留其有餘供本省支用即為將來辦運地步江西省每

石解部銀一兩三錢微之於民則以一兩九錢為率核
與河南安徽等省折漕支解章程尚屬一律惟該左都
御史盧及徵銀不便於民自係確有所見現在地丁銀
兩既因銀價增昂議令就原定每兩徵錢二千四百文
之外酌加錢數所有該省漕糧亦請兩令該撫查照同
治四年原定數目於每石收錢三千文及三千二百文
之外酌量加收錢文毋庸徵收其所加錢文即視
地丁每兩加錢二百文之數核計徵收不准再有浮濫
總期先運不致窒礙而民銀價平減即照原定錢數折
銀加價一節前據該撫奏請仍復相安庶為妥善至逾
限報部一次方准其漫無稽考是以奏令每屆限滿專
案按限加增窮民因之受累且該左都御史奏陳繁
瑣難行自應變通辦理查江蘇省徵收年外每石酌加
五百年內文法較為簡易江蘇西省徵收年外每石酌
加價為催科應令查照江蘇章程年內非加收年外
加不收錢遞增於催科之中仍有浮多庶徵收既令該
照江蘇辦法將已徵未徵各數於年底裁清報以憑
查核至原奏內稱已徵未徵各數於年底裁清報以憑
規等項本干例禁在該撫一切過顯示勿欺以爲上下之
情無不可通不思此等私款登之左貽彈黃絲之禁長

貪黷之風於政體吏治所關實非淺鮮應令該撫稟遵
此次及本年四月兩次諭旨嚴飭所屬認真革
除如查有前項情弊立卽從嚴參辦

初總督曾國藩巡撫沈葆楨議革江西丁漕浮費定以
地丁一兩及耗羨徵銀一兩五錢漕米一石折銀一兩
九錢錢價有贏絀則量與通變同治初元以後錢貴銀
賤四年八月巡撫孫長紱奏請以銀準錢凡錢一千六
百抵銀一兩地丁一兩共耗羨折錢二千四百漕米二
石折錢三千萬安樂平二縣則加錢二百至七年銀復貴錢一千六
百不敵銀九錢民以錢輸官官以錢市銀數大絀支解
不給於是巡撫劉坤一申前議籌通變請仍準前法徵
銀

旨如所請行之已五六年矣銀貴如故及十二年左右都御史胡

家玉以違例加徵入

告事下巡撫議裁減巡撫劉坤一既詳陳前後情形徵解數目增非私增減無可減可減獨布政司公費一分則裁之得

旨允行家玉復以爲言請

敕部議議仍按舊法定收錢以易銀銀貴增錢不得過二百價值稍平再歸舊數漕米折錢增亦如之定逾限以年內年外爲率去舊定年內三限凡逾限令增錢五百視江蘇徵漕法蓋計十餘年來法凡三變所議損益徒斤斤於易錢易銀之數而已冀賴

聖主仁恩休養生息民氣漸復五穀熟成造船置倉次第興作一隅境土復能飛芻輓粟以實

天庾則此數年中斟酌盈劑虛惟是因時制宜非爲成法故綜敘前後部議而記大略於後俾譚經國者有所考焉

自同治二年後戶部屢議起運南漕以復舊制時江南浙江漕糧仍行海運惟江北試行河運運道久淤塞漕船不得抵通議南漕者競主海運江西折漕視他省數至減凡米一石僅折銀一兩有奇海運則有運費運米一石費亦一兩有奇地距海遠過湖入江由江入海循海至天津以達京師易船又有費緹裹又有費運米入倉又有費官吏夫役薪糧又有費費且一二倍折二石銀運一石米尚不足海運難河運卽能行納糧無倉兌軍無船江湖水寬宜大船可受千石運河淺阻宜小船可受二百石歲漕凡六十一萬五千餘石以千石計當

六百餘船以二百石計當三千餘船軍興以來船既拆
變新造無鉅資雇募無餘船張秋以南本苦起卸臨清
以北必改接運河運又難況昔議折漕不及運費若籌
起運又議加徵猝與更張未有良法兼以瘡痍甫起水
旱頻仍前後十年半值歉歉本色未復起運難期縱竭
帑藏奚裨儲峙由是累請展緩以迄今茲非敢因循觀
望不急先務也終始三難具詳劉疏謹附諸簡末

江西巡撫

臣劉坤一

奏為江西漕糧酌提本色由海運津滬崇

仰祈

聖鑒事竊臣接准戶部咨議覆直隸總督

李鴻章

奏籌議黃運兩河情形並酌議河運海運採

買各事宜

一摺以採買一節江廣漕糧折價每米一石

僅解部銀一兩三錢

若令提銀買米則折漕一石之數

斷不敷用

諸多窒礙難行所稱令江廣各督撫體察情

形酌提本色

若干運滬由海船解津洵為目前切要之

圖江廣等省

雖未能全徵本色如能酌提數成藉備江

船順風抵滬

沙甯海船商局輪船俱可裝運應請

本折兼籌各督撫分起運本色由海道運津等因具奏
奉旨依議欽此當即轉行遵照辦理去後茲據
布政使劉秉璋督糧道王必達詳稱伏查漕糧攸關京
倉支放俸餉甲各米要需如能分同體察起運本色
勉力籌辦何敢因循推諉惟公同體察起運本色首在
分色徵收之難江省漕糧自道梗停運戶部原議民交
本色官爲每石變價銀一兩三錢解京用迨後改爲
徵收折色每石連銀二兩有奇是折色輕於本色通省
市價每米一石值銀二兩有奇是折色輕於本色通省
全徵本色固屬民力不支如酌分若干縣或一縣中酌
分幾圓令交本色餘仍折徵則同此編氓礙難區畫此
重彼輕易於藉口觀望若統按漕額分編成爲折兼收大
戶已苦紛岐小戶尤難措辦并恐綠緣以爲奸從而
舞弊浮勒此分色徵收之難也次在運解之難江西部
處腹裏距海口水程二千餘里較蘇浙近海省分情形
迥殊江西內河河道淺狹非小舟不能運行迨至渡海
陽涉長江非江船不能駛必小舟須兩易剝船方能赴海
船交米盤剝多則拋散必甚程途遠則稽察難周從前
各屬運米赴省交兌糧艘剝船偷盜使水以短缺霉
變勒令州縣賠補更換事所常有夫以數百里之剝運
尚屬如此艱難今剝運數千里且江船非順風不行沿
途守風散漫停泊安得如許官役到處稽查其盜竄
水必十倍於往年恐米石到滬霉變已多縱將州縣嚴

參勒賠究於京倉並無裨補此運解之難也又其次則
籌費難漕倉加以二千餘里剝船之水腳押解員役之
款建復漕倉以二費由津運通之用項所需不資雖
薪糧兌交海船之運費尚多不敷勢須加徵運費而江
將漕項錢糧儘數動用尚多不敷勢須加徵運費而江
省連年水旱民氣未展舒木年夏秋雨少晴多高田
被旱被蟲濱江近湖低田亦開有被淹者收成歉薄戶
鮮蓋藏若既收本色又加運費民力實有未逮此籌費
之難也該司道悉心酌核本年漕糧仍難徵解本色應
請俟數年後運河如能疏濬深通糧船堪以行走再行
妥籌起運以復舊章等情具詳請奏前來臣覆核無
異合無仰懇 天恩俯准將同治十二年冬漕循
舊折徵儘數解部以濟實用臣仍督飭該司道隨時察
看情形相度妥辦一面設法預籌造船修倉經費一俟
運河通暢即行徵解本色不敢稍事延誤理合會同兩
江總督臣李宗羲恭摺具奏

江西通志卷八十六

經政略三

鹽法

管子輕重篇饋食之地無鹽則腫守圉之國用鹽獨甚
江西用鹽鄰省則饋食地也自漢元狩中置鹽官至章
帝時從尚書張林言令縣官自賣鹽名曰均輸是爲官
鹽之始魏晉迄隋禁令迭設大都量地遠近以爲行鹽
界分賁海界分則曰末鹽引池界分則曰賴鹽而江西
州郡實東南末鹽之界分唐僖宗時鄭畋因交廣邕南
之兵嶺北餉米船多敗沒請以嶺南鹽鐵委廣州韋苟
歲貢取鹽值四十萬緡市虔吉米以贍軍食是爲廣鹽
行江西之始然至宋初洪袁吉筠江饒信撫八州及臨

江軍末鹽發運皆出楚通泰倉則當今淮南地馬端臨文獻通

攷宋朝之制末鹽煮海則楚州鹽城監歲煮四十一萬七千餘石通州豐利監四十八萬九千餘石泰州海陵

監如皋倉小海場六十五萬六千餘石給本州及江南之江甯府宣洪袁吉筠江池太平饒信歙撫州廣德臨

江虔州亦食淮南鹽而廣州鹽自嶺入虔楊允恭爲廣

連都巡檢使因請以大庾縣置南安軍設官軍輦鹽遏

盜販至慶厯中轉運使李敷王繇始請運廣州鹽於南

雄給虔吉二州未報卽運鹽至南雄凡四百餘萬觔江

西轉運使以爲不便絕不往取後三司戶部判官周湛

等復請運廣鹽入虔江西亦請具資往取矣詔下尚書

屯田員外郎施元長等會議議如湛等獨發運使許元

以爲不可事遂寢嘉祐以還議者紛然或請商販廣鹽

入虔或請放虔汀漳循梅潮惠七州鹽通商或請歲運

淮南鹽七百萬觔至虔或請官自置鋪役兵卒運廣鹽

至虔

馬端臨文獻通考虔州地連廣南建之汀州與虔接多盜販廣鹽以射利十百為羣持甲兵旗鼓往

來虔

南汀漳梅循惠廣八州之地與巡捕吏關格至殺傷吏卒則起為盜依阻險要捕不能得或赦其罪招之

浸淫滋多而虔州官糶鹽歲

纔及百萬助朝廷以為忠先是職方員外郎黃炳乘

傳會所屬監司知州通判議以為虔食淮鹽久矣不可

改請損歲增官估觔錢四十以虔州十縣五等戶夏秋

稅率百錢令糶鹽二觔隨夏稅入錢償官從之既而提

點鑄錢沈扶請選江西漕船團為十綱以三班使臣部

之用炳等策歲增糶六十萬觔治平元年蔡挺提點江

西刑獄制置鹽事增為十二綱綱二十五艘鑠楸至州

乃發以贛江道險議令鹽船三歲一易仍以鹽之純雜

增虧為綱官舟人殿最輸官有餘則畀漕舟吏卒官復

取以半價又損糶價歲課視舊增至三百餘萬觔熙甯初江西鹽課不登提點刑獄張頴言虔州官鹽鹵溼雜惡輕不及觔而價至四十七錢廣南盜販入虔鹽一觔準官鹽一觔有半純白不雜易錢二十故虔民盡食廣鹽乃議稍減虔鹽價未幾章惇執政有邾亶者推仿惇在湖南運廣鹽增額糶鹽法乞運廣鹽入江西遣蹇周輔至江西相度可否周輔奏言虔路險遠淮鹽至者不能多人苦淡食廣鹽法不得通而盜販公行淮鹽之價官以九錢致一觔若運廣鹽盡會其費可減一錢而鹽更善運路無阻請罷運淮鹽通般廣鹽一千萬觔於虔州南安軍復均淮鹽六百一十六萬觔於洪吉筠袁撫臨江建昌興國軍以補舊額詔令周輔立法遂具鹽法

及總目條上昔之鹽場許民買撲者悉籍於官周輔遙
領提舉江西廣東鹽事置局司農寺甫半年而周輔奏
虔州南安軍推行鹽法收息已十四萬緡矣崇甯後蔡
京變鹽法虔吉復行淮鹽惟南安軍猶行廣鹽政和二
年復增鹽價饒信增錢三江州南康軍增錢四仍以產
鹽地遠近爲差元至元十六年立江西鹽鐵茶都轉運
司於廣州所轄鹽使司六各場立管勾二十二年復分
江西鹽隸廣東宣慰司歲辦一萬八百二十五引順帝
時以淮鹽壅積詔江西轉運毋令闕廣私鹽入吉贛贛
舊志引大事記作建炎三年乙亥蓋崇甯以後贛州仍
誤元順帝三年乙亥係改元至元行淮鹽至於明未改也明洪武三十年尚書嚴震直言
募商入粟廣西衛所支鹽廣東鬻之江西南安贛州吉

安臨江四府後以不便尋罷天順開戶部郎中陳俊都御史葉盛又以贛去淮遠請令商人願至南贛發賣鹽者於南雄府每引納米二斗折銀二錢充餉成化時贛已立鹽行歲徵銀四十兩謂之水面後加至三倍贛州志正德以前陳葉之請特通商販未絕淮運至武宗時始定改行正德二年南贛巡撫王守仁方節制四省請以南安贛州吉安改行廣鹽增太

平廠稅以濟兵食初議事定復故後遂爲定制

贛州志

二年飭兵副使王秩議南贛行廣鹽例十引抽一助餉嘉靖五年都御史潘希曾復題廣鹽經南雄太平橋己

稅者十引抽一引半未稅者十引抽二引或折銀八錢又舊志載聞鹽自汀州過會昌羊角水廣鹽自黃田江

九渡水來者未經折梅亭納米皆十引抽明之制江西一以助軍餉則聞鹽亦開行於贛州矣

屬兩淮行鹽地自南安贛州吉安改行廣鹽廣信本行

浙鹽明史食貨志洪武時兩浙歲辦大引鹽二十二萬四百餘引宏治時改辦小引鹽倍之萬曆時同鹽

行浙江直隸之松江蘇州常州鎮江徽州五府及廣德
州江西之廣信府浙江通志嘉靖十六年題準兩浙
官商不到之處立為山商鉛山弋陽貴溪永豐諸縣每
程一張納銀六錢為廣信舊志云宋信州故屬江東道
元至元十三年始改隸兩浙都督府鹽法之改當於是
時謹案唐宋以來東南未鹽界分皆稱江淮鹽自元
至元中始於浙江立都轉鹽運司於是淮鹽浙鹽各分
疆域廣信改浙鹽於元史無考據明史食貨志洪武時
浙鹽已行廣信為仍元制無疑後淮鹽之行江西為額
廣信改歸湖東道而引地未改耳

凡三十九萬引三郡又改廣鹽遂減為二十七萬引嘉

靖之季盜販大至私鹽塞閭閻民趨便易羣聚鬻法瑞

州袁州臨江則私食廣鹽撫州建昌則私食閩鹽淮鹽

額大減僅存十六萬引於是巡撫馬森疏陳其害請於

峽江建橋設關扼閩廣要津私販既絕舊額盡復稍增

至四十七萬引未幾橋毀額復不繼終明之世鹽法疲

敝不克振矣兩淮鹽法志明巡鹽御史朱駒如疏曰江

廣鹽袁吉繼之於是片帆浮江可以直抵臨江湖口九
江等處私販盛行淮鹽日滯矣然當事者猶區區株守
引額徒加勒索於此而未嘗能疏通於彼國虧商困職此
之由又汪碩玉古今嵯略鹽法論曰自正德嘉靖後割
江西五府補設贛州湖廣一府縣行廣鹽臺臣力爭
不能復額課日增行鹽地日蹙勢不能遠售且贛鹽既
通諸越境私販者不可遏民間無慮皆賤買私鹽而淮
鹽大阻謹案明季袁州臨江會行廣鹽舊志不載附
考此備

國朝順治初鹽法仍明舊淮鹽行南昌瑞州袁州臨江撫
州建昌饒州南康九江浙鹽行廣信廣鹽行吉安南安
贛州江西之行廣鹽引無定目至順治十七年太平廠
官始派南安贛州引三千七百吉安引一萬四千三百
粵鹽一引以觔計凡二千一百課重引積民困官累吉
安首受其敝康熙元年禁海遷場商販不至地距粵遠
浮額尤鉅於是廬陵知縣于藻詳請改食淮鹽例贖九

上巡撫董衛國具疏以聞五年巡鹽御史黃敬璣會議

題準改行淮引兩淮鹽法志黃敬璣疏略曰吉安向食

經科臣張惟赤撫臣董衛國交章題請改食淮鹽部

議行臣招商承納續據商人王承業等投具認狀將吉

安額課三萬四千六百五十四兩五錢責令辦納照淮

南則例每引納課六錢七分五釐五毫零共派引五萬

一千三百二引以丙午年十六年巡撫佟國禎亦奏請

為始同淮南一體行鹽

南安贛州復行淮鹽十七年六月巡鹽御史郝浴具題

準行因加引二百有六兩淮鹽法志巡鹽御史郝浴疏

吉安例徵課每引共徵銀九錢八分一釐五毫南安府

應行淮鹽二千三百九十三引贛州府應行淮鹽一萬

二千五百一引臣又因時酌宜南安共派銷二千五百

引贛州府共派銷一萬二千六百引兩府共增課銀一萬

八百二十兩六錢五分又疏曰臣查南贛向行粵鹽三

千二百二十四兩六錢五分又疏曰臣查南贛向行粵鹽三

徵收鹽稅計引課一兩派納關稅五分五釐零每年過

六錢零較粵省已多輸四千七百餘兩今據鹽道贛府詳定關稅一千兩運司集商確議亦據認納請自丙午網起注為歲額按引二十四年十一月廣東巡撫李士派完無庸贛關徵收

正復題南安贛州吉安仍行廣鹽部議以南贛地近可

循舊行廣鹽吉安行淮鹽便不復改兩廣鹽法志戶部

士正疏言粵東地臨濱海小民藉鹽以資生計從前江

西南贛吉三府俱食鹽今開展後因康熙元二年禁海場遷

產鹽稀少改食淮鹽今無地商民交困餉無從出請將

地未復產鹽既多銷售無地商民交困餉無從出請將

三府仍循舊例行銷粵鹽五年經江省督撫將南安贛州

省南贛吉三府於康熙五年經江省督撫將南安贛州

二府與粵相近應照舊仍行粵鹽具題臣部議請準行

粵鹽至吉安一府商販至省兌運計程二千六七百里

而准鹽至吉安計程一千八百九十里自應改歸兩淮

題准在案復於康熙十七年粵東路阻始經該省督撫

贛二府請改食淮鹽今粵東平定已久產鹽甚多應將兩

淮之課照數除去增入粵課照兩淮例徵收兩淮鹽

法志康熙二十五年為始減南贛二府額課銀一萬二

百三十兩二錢五分至是引地始定凡淮引地十南昌

及贛關罰贖等銀

瑞州袁州臨江吉安撫州建昌饒州南康九江浙引地
一廣信粵引地二南安贛州後甯都升直隸州割二縣

屬焉遂爲粵引地三

附錄廬陵縣知縣于藻詳請改食淮鹽第九稿略曰事
極則變勢窮則通消息盈虛之理也況從朝廷大政關
係更重有時勢不同法久弊生者尤當從之貽害可勝
起見達權通變因時制宜若必執一以行之始議借
道哉江以西舊制原食淮鹽明正德間兵餉不足始議
地行鹽以足軍需亦不過因時從權事平仍行改正當
日已預籌及非經久之制也然不責諸官不苛諸民商
販交易一從民便時勢未際夫窮極誰復妄議以紛更
今則官有一考成民有鹽額且以二五十引之數目而
爲二千一百觔之引不計觔之輕重但派十餘觔之鹽
歲每口例銷十觔零八錢名改而銷外貿易此無用之
有限派銷過多勢不能於小民日用貿易一遷於康
餘鹽雖山積壅滯難銷況粵東近海之民一遷於康
熙元年再遷於康熙二年業鹽之民流離失業煎熬自
是不繼且以四千里延袤之廣止限四處出口辦以
致鹽少價騰五倍於昔引壅課絀日甚於今廣督遵
旨再陳遷民失業疏內備情入告則產鹽之地已
處不足行鹽之地又可督銷浮額乎況吉安一府離廣

最遠踰梅嶺十八灘之險鹽少價湧勢所必至當此民膏枯竭又以貴鹽而吝一轉移耶更分可異者江廣雖隔省不費行之惠政何憚而咨一轉體元年分窟場播遷廣東奉餉既行其鹽則西至今猶參引乎豈胡一事而岐視盾至歲額而耶無鹽而可銷引乎縣之引自十七年定例被以於廣而不應欠不銷者非私鹽阻壅也非民閒淡食也皆因素越十勛不錢之例浮派二千一百之引廣鹽過重食鹽有數不能以之一例而食八丁之鹽今廣鹽一否謂禁止汀淮私鹽乎國課自裕將私鹽禁止即覆以銷丁而食入丁之鹽必令民閒就嚴例限以一年內兼銷四五年積欠引鹽始克有濟是以一年內而倍食年三至十餘丁之鹽矣卑職情切剝膚所以有無鹽浮引食殃積久倒銷之術之呼籲也殊會所值因軍興而改食廣鹽民非禁海而更張者此淮鹽地勢莫非王土一民莫非王國甦民非無故更張者此淮鹽地勢莫非王土一民莫非王臣減廣餉而增課於國計無損省貴價而起國民疾於民生有益與其積欠而課絀民殃孰若變通而國民疾兩利伏乞俯賜轉詳亟行淮鹽以難萬民之害疲之舊額引實科撫字不能兼善迂拙者其無鹽浮引貽殃舊額一地

銷乏術之隱已於各案各詳中披瀝陳之矣至若販運
 之艱難丁引之懸絕不便瑣屑入詳者謹再親縷悉之
 查鹽政每丁每年例食鹽十觔零八錢此經制之定額
 也鹽邑見在丁八萬五千一百八十四共該每年
 食鹽八千一百五萬六千零九百九十二觔二兩
 重二千一百五萬六千零九百九十二觔二兩
 五十一道零三百四十九觔二兩
 四千三百七十七萬六千三百六十八觔
 六千零九萬九千九百九十二觔
 百六十九萬九千九百九十二觔
 越阻塞官引之多安得不壅滯難銷乃歸咎於私鹽
 八灘之險阻而過嶺尤難南方無鹽車可載無騾馱可
 運惟肩挑是藉人夫一名止挑鹽八十觔每日常用夫三
 百六十名挑鹽二萬八千二百二十觔必週一年之期共
 用夫一十二萬九千八百零二名始得運完一千三百
 七萬六千三百六十八觔之額鹽然嶺路計一百二十
 里窮日之力未必其往返又必用七百二十名分爲兩
 班更番輪運方得一年運完若一日去一日返則三百
 六十名夫必須七百日始克有濟是必週兩年
 之期運完或有農忙雨阻兵馬經臨使客往來人夫缺
 額便不可限以時日矣況南雄太平廠額引一萬八千
 道除南雄之保昌僅派銷四百九十餘道外南贛尚有
 三千七百道其餘一萬四千三百道盡在吉安則吉安

之外八邑尚有一萬道引鹽并南贛之引鹽均須度此
梅嶺方得到地則每日每年又安得不作輟之數千餘
名入夫乎一年內不能全運安得一年內督之全銷即
廬陵一邑計一年內積運鹽九百五十餘萬自定例
以來已歷五六載合之南贛二府吉水等八邑不知積
壅浮鹽幾千萬億矣又一年之額鹽不能於一年全運乃
以積壅數年之引鹽又可遵考成一年滿限之期而兼
并以銷兼并以運乎且商販四千九百四十一道零八
分之鹽計鹽本稅費各項使用必須三十二萬餘兩過
嶺每夫一名給腳價一錢六分又共需二萬七百五十
二兩三錢六分以如此之巨任而欲招
水旱殘黎出重資以充商其可得乎

行鹽疆界淮鹽自儀徵出口由長江進湖口入江西界
抵蓼洲由蓼洲上生米灘河泊所市汊西進瑞河口松
湖市高安縣灰埠墟至新昌萬載縣止泝河南上大港
口豐城縣樟樹鎮西達清江新喻分宜宜春縣止南至
新淦縣仁和峽江縣桐江橫三曲灘吉水縣又東從水
南入樂安縣西過富田廬陵縣白鷺洲進小河分河至

安福永新甯縣止南上泰和萬安二縣由百家邨十

八灘止

以上由生米灘西南運銷袁瑞臨吉各屬口岸

自蓼洲北由章江渡石

頭口向東北過七里街滁汊趙家園康山繞東南上柘

林烏沙港謝家埠武昌渡池港梁家渡三江口入撫河

溫家圳李家渡焦石河東灣臨川縣許灣黃思渡長興

建昌府分河至南豐廣昌瀘溪縣止東進瑞洪鄔子司

龍津安仁縣止東往官塘口進鄱陽湖饒州石頭街抵

浮梁縣景德桃樹二鎮止

以上由滁汊東南運銷撫建饒各屬口岸

自蓼洲

省次中路大河往北經樵舍分路西進小河老鵝嘴建

昌縣涂家埠入燕灣炭婦港三碛灘武甯縣義甯州及

萬家港安義靖安奉新縣會埠羅坊止

以上由樵舍西北運銷南昌南

康各屬口岸

自蓼洲大河順流北下吳城出渚磯左蠡鄱陽

湖青山大孤塘都昌湖口縣南湖嘴溯流北上白水港至九江接常德湖廣界止南下彭澤馬當安慶界止

以上

由吳城東北運銷九江各屬口岸
嘉慶十一年兩淮鹽法志

浙鹽杭所自太平橋候掣泊德勝豬圈二壩運浙東者過豬圈壩進武林水門由中河出鳳山水門至江干閘口過江壩紹所自錢清江達官河或經長山閘至所候掣泊義橋新壩過富桐嚴三關運鹽往衢州府皆由蘭谿縣汝埠鎮解包分篋廣信七縣分買篋鹽頒給常山引單聽商認銷廣信府行鹽地距運司九百三十里附郭上饒東玉山西弋陽東南廣豐西北貴溪西南興安鉛山貴溪之西四十里至饒州界接淮鹽境鉛山之西南八十里至福建建甯界接閩鹽境

杭所運鹽至常山
六百五十里紹所

運鹽至常山自常山運鹽至上饒縣住地一百八十里
七百三十里至玉山縣住地八十里至弋陽縣住地三百里至貴溪
縣住地三百七十里至鉛山縣住地二百九十里至廣
豐縣住地一百四十里至興安縣住地一百六十五里

兩浙鹽
法志

廣鹽行江西贛州南安初皆省引康熙三十二年以巡
視兩廣鹽課太常寺少卿沙拜奏改運湖引四十八年
廣東巡撫范時崇復奏以贛屬信豐龍南定南三縣接
壤惠州請就近改運惠引五十六年兩廣巡鹽御史莽
吉祿又以江西贛縣增引至一萬三千道增餉至一萬
一千餘兩湖運水陸險阻官商願循舊例奏請改歸省

引

謹案今粵鹽行南贛者省引運至贛西境行銷贛大
庚南康上猶崇義謂之西鹽惠引運至贛東南境行

銷定南龍南信豐安遠湖引運至贛東北境行銷雩都興國會昌長甯南都州瑞金石城謂之東鹽省引承運爲雄贛埠惠引承運爲東省引自東關掣配水運至始江埠湖引承運爲湖橋埠
興江口易船至南雄州改從陸運過梅嶺至大庾縣復由水運至贛埠一千六百五十里由梅嶺陸運南安大庾埠一千三百三十里由大庾水運南康埠一千五百三十五里經南康運上猶埠一千七百七十五里由大庾陸運崇義埠一千七百七十五里惠引自淡水大洲碧甲等場竈掣配水運至墩頭改從陸運十五里至小淡水廠復由水運龍川牛皮潭易船至黃貝嶺由陸運安遠鶴子水至信豐雅雀隘總埠一千三百里至小淡水廠陸運至安遠埠一千二百里由黃貝嶺水運至龍南埠九百三十里由黃貝嶺陸運九曲至定南埠一千

二百里潮引自廣濟橋掣配水運三河壩至鎮平縣西門泊艾子壩陸運至羅塘復由水運筠門嶺易船至會昌縣經齊茅塘至雩都埠一千二百五十里由會昌縣經齊茅塘過江口至興國埠一千九百一十五里由三河壩水運至平遠柚樹館陸運壩頭過青龍城岡達筠門嶺至會昌埠七百二十里由壩頭陸運古坑岡至長甯埠五百二十里由三河壩易船運石上陸運至福建上杭之峯市仍由水運至黃泥壠易船過上杭關入長汀境經羊牯關員當車子頭陸運至石城大猷坪復由水運至甯都埠一千一百二十五里由三河壩運會昌縣至瑞金埠一千一百里由長汀境經羊牯關員當車子頭陸運至石城秋口復由水運至石城埠八百六十

里兩廣鹽法志

淮南綱鹽行江西南昌瑞州袁州臨江吉安撫州建昌
 南康九江九府為省埠饒州別為饒埠饒埠原額六萬
 七千一百三十七引因引壅不行改撥口岸雍正七年
 巡鹽御史噶爾泰奏請增引二萬道十年又以新增饒
 引通綱均派十二年鹽政高斌復僉十商報運綱鹽二
 萬引先是吉安引鹽改撥省埠融銷者凡二萬引乾隆九年
 鹽政準奏定綱首先撥一萬引餘一萬引在綱尾核計
 按吉岸存鹽數目酌量撥運至二十八年兩江總督尹
 繼善鹽政高恆始奏以吉安額引改饒州引鹽方暢行
 歸通綱運銷水販仍赴省埠買運
 乃請改撥吉安引一萬五千道運饒埠兩淮鹽法志雍正七年巡鹽御史
 史噶爾泰疏江西一省除南贛廣三府行銷廣東浙鹽
 外吉安一府原食廣鹽於康熙五年改銷淮引專商行
 銷其餘九府皆係綱商報運內饒州一府地鄰浙境浙
 私侵越淮商成本多虧以至推諉不前口岸漸至廢弛

臣竭力整頓設法疏銷雖每年額課通完然該府原無
專商今淮商程宏益等感戴天恩亟圖報效情
願於淮南額引之外自丁未綱起另增引二萬道臣查
饒州一府實南昌等八府藩籩得有專商貴成不獨饒
州口岸疏銷無滯即各府皆受其益部議覆準旋於十
年兩江總督署理雲貴廣西總督高其倬奏覆饒州額
引正綱六萬七千一百三十七引歷因鹽壘商虧無人
報運實係不通網貼費認行程宏益等額外增引並未運
到口岸不過假益賦之名為充斥之計應令該鹽政將
程宏益嚴查懲革所有新增饒引通網均派迨乾隆四
年鹽政三保疏言程宏益革退之後前鹽政高斌因饒
州並無專商認運倉點十商報運之網鹽二萬引一年
巡禁緝私販潛蹤所行網引不敷銷售請增引一萬五
千道再擇良商二人合同辦運又乾隆二年閏九月五
戶部議覆鹽政三保等題吉安壘引改撥饒州疏略曰
先據原任江西巡撫俞兆晟奏吉安一府額引五萬包
一辦理其時前商安瑞成尚存殘鹽一百六十五萬包
德將黃光德運到鹽勛封閉年餘壘壓十萬餘引吉屬
遂將黃光德本年之現引而舊存之十萬餘引終不能
每歲僅可銷本年之現引而舊存之十萬餘引終不能
賣饒州一府原額行銷六萬七千一百三十七引四都
胡阻隔省鹽難以運往故將原額攤派別地雍正七年
鹽臣噶爾泰題請另行二萬引雍正十二年鹽臣高
斌另僉十商往辦連年禁緝私販官引暢銷鹽不足用

屢借吉鹽接濟請將吉安二萬引鹽改運饒州約計五年之內吉安之積鹽可以盡銷饒州之額引可以增益臣部以饒州果否不足吉安果否壅滯並將吉安二萬引可否改運饒州均難遽議當行兩淮鹽政兩江總督江西巡撫逐一詳查妥議今據該鹽政等疏稱吉鹽壅滯饒鹽不足皆屬實情惟饒州雖漸見疏銷而現在情形每網僅可銷至三萬四千五百引若驟令行引四萬誠恐又滋壅滯應請自丁巳綱為始將吉安鹽勛暫撥一萬五千引飭饒商代運行銷倘仍不敷隨時增撥數綱以後吉鹽全銷則吉安仍復原額而饒引已可定數卽於原撥通綱引內酌請撥歸應如所題暫撥行銷其饒州原額已經攤派通綱行運未便復行撥歸致滋紛擾自應另增引目以於是饒埠行鹽稍增至三萬五千引足饒州應銷之數於乾隆十七年復減額攤綱僅行一萬五千引而壅滯如故乾隆十七年復減額攤綱僅行一萬五千引而省埠原額舊為三十萬餘引者亦歷年減闕至二十三萬餘引五十六年乃定省埠為二十五萬五千二百九十一引饒埠為一萬五千引嘉慶十年兩淮鹽政估山以饒埠留運綱鹽不敷銷售預請引目三萬道

試行三年再請定額嗣以五年銷引折中覈數請每年
增引七千道仍試行三年旋又請展緩十五年戶部議
奏永爲定額戶部議覆饒州府引定額疏略曰伏查兩
該處額引不敷銷售經前鹽政信山奏請暫增引目
三萬道試行三年再行定額嗣於嘉慶十二年又經前
鹽政額勒布按照各年溢銷引數核計每年應酌增引
七千道請再試行三年作爲定例等因奏準在案今該
鹽政以饒州口岸此後能否暢溢尚無把握仍請試行
三年等語臣部查饒州增引七千道自嘉慶十年試辦
以來既係按綱請運則饒州口岸所增之七千引足可
儘敷銷售即應作爲定額且前鹽政額勒布已經奏展
前後核計已閱六年未便屢展以致定額無期凡省埠
應令該鹽政轉飭岸商即自本綱起作爲定額
饒埠額鹽實二十七萬七千二百九十一引道光七年
以蘄州小江口改歸德化屯軍一百四戶額銷食鹽八
引除蘄州額引補江西遂爲二十七萬七千二百九十
九引兩淮鹽法志 謹案小江口改歸德化由乾隆三
十三年巡撫吳紹詩奏至是始改歸引數據鹽法

附錄明葉鏗疏略曰兩浙行鹽地方如浙江杭州等一府在所屬但浙江南直隸濱海等五府江廣信一府亦應巡歷舉劾御史將徽州入統轄故御史宿應參有方惟兩浙兩淮河北四川福建陝西雲南等處皆產地蘆河東廣東海北長蘆四處利源最大濟邊尤急故先年添差御史四員重其事權令其禁革奸弊約束豪強使占中賣窩私煎盜販者不得肆行利源所在勢有也但行鹽之說其端有二有產鹽地方利源所在勢有必趨故設鹽運使轄復設御史以臨之者利課額不虧流也行無滯足矣固未嘗瑣瑣稱量而必求事權之偏重也天無不食鹽之家而常山一縣實當交界山行百里狹界崎嶇舟車不可通商之罪也乃勢所不便而自當樂往耳然非地方官盡日之心力肩挑乃止可百觔價當得銀一錢而舟資居橫不費二與焉但此鹽止可遠通廣信之境內幅員縱橫不樂往也然前此百八十年來乎境外此山商之所以不樂往也然前此百八十年來貧民但知有食鹽之樂而不知有食鹽之苦藉接遞之門之責備巡捕有司之苛求肩挑背負盡入弓兵機快

之手而反加之罪張口噉噉搖手觸禁甚至有以硝代鹽埽溝爲食不但三月之無鹽而已況山川界限文移往來動經旬日事權分轄有司參謁越境千里且事在得已例在可因原不係產鹽地方既非利源所生又非弊端叢積該府歲派引鹽不滿八千之數而巡歷所駐供應難免訐訟者藉爲遁逃之藪參謁者因招曠廢之愆伏乞敕下該部查照舊例寢格新例不必紛更以啟多事之漸庶事體人情兩爲便益

廣鹽行江西額引外有改引有勻引復有增引增引最
後則引商認銷羨餘以加額引者也改引始乾隆二十
三年改餘鹽入額時勻引始康熙四十八年勻銷興甯
平遠程鄉鎮平四縣引二萬二千五百道時及乾隆十
四年後代銷英德七門蜆塘菱塘鹿步三水翁源曲江
八埤引鹽時以乾隆二十三年額改勻引後所定引目
爲則南安額鹽凡一萬二千四百二十二引五分四釐
一毫贛州額鹽凡四萬二千四十九引甯都州額鹽凡

九千二百五十二引共為額六萬三千七百二十三引

五分四釐一毫

兩廣鹽法志

定南廳志

贛州舊志

附錄兩廣總督阮元奏江西南安贛州甯都核定粵鹽

融銷數目疏略曰竊臣接奉部咨奉

奏鄰省行銷鹽引請釐定額數一摺據稱粵鹽於正額

之外有融銷借銷代銷搭銷等項名目江省不知應銷

定額無憑稽察以致奸商私販串通影射易滋透越著

兩廣總督將該省行銷江西私販串通影射易滋透越著

知照江省等因欽此茲據運司查清阿詳稱粵省行銷

有省河潮橋之分省河運司所轄潮橋係潮州運同專

轄運司統轄江西南六鹽埠隸省河者信豐安遠定南

龍南大庾崇義南康上猶贛縣九埠隸潮橋者雲都興
國長甯會昌甯都瑞金石城七埠因本埠正引數目俱載
明鹽法志內毋庸再行知照其間因本埠正引數目俱載
埠者曰融銷湖查鹽法志康熙雍正年間即已如此乾
隆五十四年前督臣福康安奏辦省河改埠為網案
內聲明易銷之埠多批若干引難銷之埠少批若干引
經部議覆準行又潮橋所轄廣東平遠興甯二埠引繁
地罕康熙四十八年以後歷係融銷江西南等七州
縣乾隆十三年復經督臣策楞題准在案至借銷者
係潮橋下各埠因借銷其代銷者係潮橋代省河銷鹽
埠借領銷售名曰借銷其代銷者係潮橋代省河銷鹽

因省河非運同所轄故曰代銷又搭銷者係潮橋疲埠
無商懸引無人認充詳明歸於通橋有商各埠灑帶每
拆額引一程即搭銷疲引一分是為搭銷綜計省河祇
有融銷一項潮橋則有或多或寡因時之異要皆遵照乾
隆先後之殊數目有或銷之埠多批若干引難銷之埠
少批若干引年開部覆易銷之顧全引銷之官鹽起見由運
司運同察看情形隨時酌撥有一程之官鹽即有一程
之官單不能私相授受該司行據省河辦事運商并據
運同轉據潮橋各商查覆復一再四往返商酌融銷各頂
歷係隨時酌核非如額引之一成不變若先期預派數
目不特滯銷各埠如銷鹽多寡靡常并恐有融銷遇可
以銷售之時亦不實力拆運若即就見在旺滯情形將
各埠額引普行更定勒令旺銷之埠代認疲埠之引則
埠地旺滯變遷無定斷不能年年逐處改撥轉使案牘
日繁於公事毫無裨益應請仍循康熙雍正乾隆年間
舊章毋庸變易

奉 引鹽觔數兩淮每引額定三百四十四觔乾隆十三年

旨每引增給十觔十六年奉

旨於定額外復賞加十觔爲三百六十四觔嘉慶十年及道光七年總督鐵保琦善先後奏請暫加二十觔合暑耗十六觔爲四百觔限三年停止十一年總督陶澍復奏請加鹽二十觔併例給暑耗十六觔作爲常年拋灑準免課程遂定額每引四百觔浙鹽順治初每引定額二百觔包索滷耗二十五觔爲二百二十五觔康熙十六年戶部議覆給事中余司仁條奏以停止割沒溢觔名色比照兩淮加鹽二十五觔額外給鹽三十五觔爲公費雍正三年署鹽政布政使佟吉圖奏免禁革乾隆元年奉

旨酌定增觔改引凡杭紹所鹽循兩淮舊額每引加增五十觔并包索爲三百三十五觔道光二十九年奏準紹所每

引加鹽二十觔杭嘉二所每引加鹽四十觔杭所引鹽
凡二百七十五觔紹所引鹽凡二百五十五觔廣鹽每
引自二百三十五觔至三百二十二觔不等廣鹽出場以包計每包一百五十觔加耗二十觔為一百七十觔以一百五十觔為一分以一千五百觔為一隻以一萬五千觔為一
鹽行南安每引三百二十二觔行贛州甯都每引二
百六十四觔兩淮鹽法志 兩浙鹽法志 兩浙鹽法續纂備考

道光三十年總督陸建瀛奏改淮南鹺務除綱鹽食鹽

舊目分四路行票運以江西原額二十七萬七千二百

九十一引減折實運二十一萬七千六百八十一引原奏

不列漸引鹽以六百六十觔為率謹案六百六十觔係於四百觔定額外帶

銷乙鹽二百觔加包索滴耗六十觔出場過泰壩候掣

運至儀徵解細分裝十包以龍江關為總卡照驗分運
課額仍以四百觔為則帶銷乙裁減江西岸費銀十九
鹽免納課銀見陸建瀛原奏

萬九千二百九十五兩章約甫具而粵賊變起鄰境戒嚴遂復奏如舊式分六百觔引鹽爲一引有半仍計引納課以便商運咸豐三年春武昌告陷賊船薄江甯淮運阻絕巡撫張芾乃奏請借撥廣東熟鹽五六萬引廣有生引熟引之別熟引煎於歸德等場生引產於淡水等場生鹽價銀自一錢五分六釐至二錢四分四釐熟鹽自二錢一分至三錢八分不等商販領運舊以三七搭配後從民便南贛引鹽原派生引見兩廣鹽法志謹案廣鹽熟引係由埠商自運生鹽分銷鋪戶設鍋煎熬應經奏咨有案詳兩廣總督葉名琛奏覆江西借撥廣東熟鹽疏旋奏建昌招販閩鹽部議皆已準行會粵鹽未至建昌商販未集於是復奏招商前赴廣信及徽之祁門婺源閩之光澤販運浙閩官鹽以濟民食部議以兩淮引地販運浙閩之鹽通岸更張利弊難料但當淮鹽道阻粵引猶虛若不量予變通非惟淡食可虞課款亦

歸無著請

旨俯如所議給照販運暫行試辦已而粵引則兩廣總督葉名

琛奏請停止閩鹽終無承運之人遂遣道員沈濤赴浙

江運鹽四萬引借行省埠及五年四月侍郎曾國藩方

駐軍江西乃奏請以浙鹽抵餉先是江西借行浙鹽既

納浙課更納淮課復濟軍餉成本積重行銷愈難轉運

年餘僅行一千一百五十引國藩因奏免浙課專以淮

課給軍并奏以在籍刑部侍郎黃贊湯往臨江樟樹鎮

督銷前浙江學政侍郎萬青藜留浙督運至是民食官

鹽軍有協餉兵部侍郎銜前禮部右侍郎曾國藩奏請

數千人上游運道已斷餉項缺乏久在聖明洞

鑒之中二月間奏請福建浙江兩省協濟臣軍餉間

浙省因徽州戒嚴難濟急需閩省亦係積疲之區難籌

協款惟奏請動撥江西四年漕折銀兩稍舒石急特

爲日甚長爲數較巨漕折一項亦難久於供支既處孤
 立之勢又有坐困之虞欲捐無可再捐欲撥無可指撥
 中夜以思良深焦灼伏查國家歲入之款鹽課爲一
 大宗自賊踞金陵長江阻塞淮南鹽務片引不行場產
 堆積如山而江西湖南無鹽可售民憂淡食淮南之鹽
 奸民偷送賊營賊得賤售於各口岸大獲其利江西南
 路食粵私北路食賊之私鹽湖廣南路食粵私西路食
 川私東北路亦食賊之私鹽以國富之有物產不
 克設法行銷而反資以爲賊之利誠可惜也伏查近年
 各路軍營或以鈔抵餉或以爲賊之利誠可惜也伏查近年
 非通融辦理以濟銀之不足臣等一軍懇以錢抵餉無
 下戶部撥給浙鹽三萬引不足抵餉等一軍懇以錢抵餉無
 備場價自備運腳自行運銷江楚兩省以恩豁免淮綱
 行淮南之引地浙省正雜錢糧邀兩省以恩豁免淮綱
 正雜錢糧則虛納而虛解在戶部不以爲所撥者鹽也
 仍令臣軍向鹽務衙門虛報納課學憑即與撥銀無異
 矣在臣軍不以爲所領者鹽也仍令臣軍向鹽務衙門向臣糧
 臺虛報解餉掣憑即與領銀無異矣伏查上年江西缺糧
 鹽經撫臣張芾陳啟邁先後奏請借行浙鹽四萬引
 是浙雖可行於淮南引地已有明證本年二月浙江撫
 臣何桂清咨明江西巡撫三萬引運赴江西是浙場存鹽
 源興等情愿認辦提鹽三萬引運赴江西是浙場存鹽
 之富又有明證合無仰懇設法自運自銷於淮引口岸以濟軍
 浙鹽三萬引聽臣設法自運自銷於淮引口岸以濟軍

餉之不足不勝企幸如果通銷暢旺有裨軍食則可免
鄰省協濟之艱可減民閒捐輸之苦亦必奏明停止
添引如其行銷不暢流弊滋多臣亦必奏明停止
為請接餉銀起見非為變通鹽法起見倘其稍損於鹽
務無益於軍餉臣權衡輕重斷不放有片詞回護絲毫
遷就也謹案浙鹽抵餉課額初定每引按淮引為鹽
六百六十觔微准課二兩六錢八分三釐津貼楚軍餉
銀一兩六錢一分七釐浙防費一兩六錢一分七釐
改酌提商餘銀二兩九分七釐以兩六錢一分七釐
為浙江鹽務衙門抵撥楚軍餉銀兩虛納慮解之款合
課二兩六錢八分三釐仍為四兩兩浙商辦運一萬引
凡奏撥鹽三萬引定官運一萬引所掣鹽其後浙江巡撫羅
楚各商分運一萬引後課以恤商力其後浙江巡撫羅
均由江口起運先鹽後課以恤商力其後浙江巡撫羅
遵殿復奏撥浙鹽十萬引運赴江西充皖南軍餉即踵
其法戶部疏略曰該撫擬撥浙鹽運赴江西行銷陞充
抵餉之案相同其請撥浙鹽十萬引係因前撫臣奏
撥浙鹽三萬引運赴西省不足以前撫臣奏
增查江西係淮南引地近年運道阻塞淮引不行以浙
鹽之有餘抵淮課之不足係變通辦法應如所奏辦理
惟請將鹽課充皖南軍需查皖餉向由該省每月撥銀
接濟此項鹽課抵充餉項應令該撫一俟征有成數造

冊報部聽候酌撥又奏稱此次招商先課後鹽商本較重由浙赴西沿途釐金請一概刪除等語查各官商運鹽赴他省銷售難保無夾帶隱課情弊於各要隘處設立鹽卡亦便隨時稽查且抽取鹽釐與征收課項兩不相涉自應照章辦理所請將沿時攻戰連年軍事倥傯途抽釐刪除之處應毋庸議

引岸久弛鄰私罔禁官運之鹽可責以成額緝私之事則力無兼顧乃奏以南昌饒州撫州建昌吉安五府擇要隘設卡納鹽稅助軍資值杭州再陷浙鹽復不通浙江巡撫左宗棠亦統軍衢州進規浙東以廣信本浙引地議於河口設局運甌鹽充餉甌距信遠鹽不易致會官軍復紹興則改行紹所票鹽廣信之有浙鹽總局自此始也迄同治三年大學士兩江總督曾國藩克復江甯運道既通離綱用飭乃詳陳疏銷輕本保價杜私四事奏以大員前赴湖廣江西口岸督銷淮鹽遂以四年

正月江西有淮鹽局之設總督曾國藩疏略曰自鄰

能與敵江楚百餘州縣偏地皆淮界本勝煩堵恐生變

計惟重稅鄰私俾鄰本重而淮本輕庶鄰私可化而淮

引漸復現已咨明湖廣江西各督撫將鄰私釐金酌量

加抽聽鄰鹽與淮鹽并行不悖警之田產被客民估據

田主初歸姑與分耕而食待至運多銷暢然後逐估客

而申鄰禁此疏銷之所略也近年楚西之鹽每引完釐約

共在十五兩以上所分濟者下游爲都興阿之餉萬不可

材李臣忠之餉上商鹽釐不能全停未始不可少減除

停者臣與各處舊額外其餘酌定新章前之達卡抽收

揚鎮兩防宜照舊額外其餘酌定新章前之達卡抽收

者今改爲到岸售銷後彙總完釐一分解各軍前之西岸

五兩有奇者今改爲楚岸每引四十兩四錢既減釐以

每引九兩四錢四分輕本之略也商販挾資求利無不

商又先售而後納此輕本之略也商販挾資求利無不

願價常昂其保而勿失然不由官爲主持往見小利

欲跌價搶售其始一二奸商零販但求卸貨先銷不

守日賠利其後彼此爭先愈跌愈賤如風卷潮退雖欲

挽回以保成本而不可得官與商俱受其害現於楚西

各岸設立督銷局派委大員駐局經理鹽運到岸令商

販投局掛號懸牌定價挨次輪銷時而鹽價少小民無食

貴之虞時而銷滯私梟明目張膽猶不難派兵捕拏最

法首重緝私大夥私梟明目張膽猶不難派兵捕拏最

易偷漏者包內之重船戶之夾帶所謂官中之私查禁尤難現經改復道光三十年舊章每引正鹽六百分細八包每包另給滿耗七兩半包索三兩半共重入十六兩由臣刊發大票隨時填給並於大勝關大通安慶等處派員驗票截角如有重船夾帶立即嚴加懲究提鹽充公其各岸之兼行鄰鹽者亦必另給稅單苟無單而販私即按律而科罪此杜私之略也茲四者均就目前要務及道光年開之成規參酌損益無論官運營運悉照商運一律辦理至應完課銀因鹽釐為數過重未能遽議加增仍照成豐七年奏案徵收向來鹽課按半年奏報一次今擬將各處彙收之釐亦分上下半年隨課並報以便部臣有所稽考惟兵燹之餘戶口大減以今日之民數照承平之引額恐運銷不及一半加以鄰私充斥挽復非易殷商絕少招徠尤難能否漸有起色殊無把握臣惟有督飭署運使忠廉然納鹽稅如故實力講求以期國課軍需兩有裨益

八年春奏清引地乃停止納稅禁絕私鹽犯者罪之自金谿之許灣臨城李家渡黃江及南昌之謝埠萬安之良口廬陵之神岡峽江之龍母廟泰和之印霞江萍鄉之南坑安仁之石港水陸咸置卡以遏閩浙粵湘盜販

之徑又念赴省領鹽遠涉重湖復於饒州九江立官棧以便水販且杜越境領引諸弊十餘年間變法數四實淮綱引地一大因革也

檣案

江西兼三省行鹽地廣鹽行江西又兼三郡引鹽自賊陷南安雄贛埠商棄業避地停運久矣後贛東西關議納鹽稅於是東江湖橋之鹽充斥四境同治九年淮綱奏復引地設卡良口市禁粵鹽闌入淮界而雄贛引地不得復兩廣總督瑞麟鹽運使鍾謙鈞乃派員來贛州招商開埠於興國之江口及王母渡復子埠設卡緝私且令大湖江攸鎮茅店龍口墟循舊制留子埠以利轉運由是雄贛東江湖橋三埠疆界復正毋敢侵越

贛州府新志

志

浙鹽引地接淮界者貴溪之界牌規頭與安仁河岸相

距兩浙鹽法志界牌規頭二處官店與安仁接壤淮商

以侵越彼界議欲移拆嗣勘中隔大河界址分明令

淮商於安邑界內河岸亦設餘若邳陽之小港灘餘干

官店便民買食彼此巡防之瑞洪鎮樂平之段邨戴邨浮梁之東港

景德鎮馬鞍山德興之香屯淮鹽引地接粵界者則萬安之良口市

贛之攸鎮大湖江兩淮鹽法志道光十三年戶部議覆

江西緝私事宜疏略曰查粵引行銷江西十六廳州縣

歷由本省關隘層層嚴密稽查斷難夾帶私鹽充估淮

界在昔准粵分界行鹽各有舊章員弁兵役各於本界

扼要實力堵截自收實效否則別立科條與淮界未必

有益而粵引先受其害溯查嘉慶年間先經兩淮鹽政

等請將浙閩越各省靠邊鹽店照舊撤離淮界三十里

外開設嗣經兩江總督臣孫玉庭等會議距淮界三十

里內不下百十萬煙戶若使官店盡撤買食無從請照

雍正十三年前鹽政高斌原議每處酌留一二店以備

本地民食三十里以外不在計數移裁之列道光四年

又準江省咨查贛埠引地官店名目復經前督臣阮元

查明贛縣所屬大湖江分設元亨利貞四店攸鎮分設

仁義禮智信五店官店之外另有私開自當查禁等因
又道光十年前督臣李鴻賓欽奉 上諭江西
縣所屬攸鎮地方界連淮粵私梟充斥會於嘉慶年間
前督議將切近淮界鄰店移撤三十里外其在三十里
以內止準酌留一二店便於本處居民買食茲據蔣攸
銑等查明應移地界迄無定論著即委公正大員會同
江西該管道府秉公覆勘議定行鹽地界以固藩籬欽
此嗣據兩江督臣陶澍奏奉 諭旨陶澍奏江西
以州府興國縣係行銷粵鹽與例銷淮鹽之萬安縣屬
毗連粵省潮橋等私鹽皆由興國旱路直侵萬安縣屬
盧陵各縣等語著李鴻賓吳光悅卽派公正大員勘丈
攸鎮水路地界之便一併勘丈務令水陸兩路淮粵界
限清楚以杜侵越欽此經李鴻賓奏委廣東南路總道
楊殿邦等會同贛南道薩興阿等前詣贛縣攸鎮公同
比較兩省弓丈相符查照江西成案以三百六十弓爲
一里將東西兩岸逐一勘丈西岸實距淮界三百六十
圖註說分別勒石釘界該道等查得攸鎮子店坐落西
岸在淮界三十里外未便輕議移撤卽因江岸距淮界
三十里內亦應照例酌留該處現止分設仁義禮智信
五店應請酌裁二店仍留三里店臣查江省驛站官塘實
坐攸鎮西岸在淮界三十里以外惟東岸乃在三十里
以內此案既經兩省大員勘定里數本可準情定議以
因兩省各以官店裁留之數未能議歸畫一在江省以

粵商於收鎮祇有原設仁義禮智信五店此外又有三
 泰等店二十九家係屬私開熬竈經贛州府等詳請拆
 毀而粵省則以熬鍋係奏明竈座並非私設經前督臣李
 鴻賓咨額設官店五家所開竈座並三泰等店二十九家
 奏定酌留一二店舊例有違其裁三泰等店二十九家
 無牌示應行拆毀復經前督臣李鴻賓查明子店官鍋
 應視銷引滯暢隨時增減歷有奏准成案今三泰等二
 十九家實在五家官店增辦江省又於粵界設卡查緝請
 必致萬安縣良口市增設大卡派委文武帶兵駐紮於
 在萬安縣良口市增設大卡派委文武帶兵駐紮於
 緝並因潮橋東江二埠私鹽山茅店過贛縣東河上游
 攸鎮致雄贛與淮界同受其害請於贛縣東河上游
 店派委備弁帶兵巡緝其雄贛埠應銷粵鹽運至贛縣
 西關責成贛南道於過關時點明註冊上倉轉發
 各鄉並攸鎮大湖江等處亦令報數呈驗註冊然後放
 行旋以茅店設卡與贛縣東關相距較遠將茅店卡移
 建泥灣地方奏奉諭旨准行據粵省司道查覆
 良口市係贛屬與萬安交界地方前被卡巡阻截引鹽
 六十四包遠近居民赴埠買鹽皆形畏縮今江省因淮
 引地腹心如謂東江潮橋私充贛埠則粵商先受其害
 應自設法堵緝若江省越境設卡商情已先拏格實覺
 有損於粵未必有裨於淮至粵引運埠應經本省水陸

關隘層層稽查若再由贛關點驗一層盤查即多一層
阻滯粵商資本微薄更虞配運不繼各省有各省章程
籲懇轉請奏明各循舊章仍於各本界自行實力稽查
以全引課臣綜核全案平情而論粵引淮界均爲民食
攸關今既勘明淮粵相距里數似應欽遵前奉
聖諭以雍正十三年定例爲準所有靠邊鹽店應移離
淮岸實距淮界三十里以外別裁留以昭公允現查勘
東岸實距淮界三十里以外別裁留以昭公允現查勘
西岸實距淮界三十里以外別裁留以昭公允現查勘
設仁義禮智信五里及外於舊例並無限制現在該鎮所
距淮界三十里外均屬應留而不應裁該道等前議裁
二留三實屬調停遷就與雍正年間舊例不符至陶澍
飭令贛州府裁撤並無牌示三泰店二十九家粵商雖
稱係官商子店分設但該商埠既未先請有司給示即
屬私開業經江省撤毀應不準其復設至茅店卡巡設
建泥灣地方乃至粵界腹心之地其復設至茅店卡巡設
縣西關驗由道點驗註冊涉紛擾應將泥灣設卡及引鹽
報數呈驗註冊事防停止等語臣等伏查粵引行銷至江
過關點驗之處請飭停止等語臣等伏查粵引行銷至江
西省南安贛州二府甯都一州共六萬三千餘引與淮
鹽引地各分疆界原不容彼此混淆此案既經江粵兩
省飭委道府大員勘明准粵相距里數則靠邊鹽店自
可遵照奏案分別裁留以昭公允惟收鎮原設五店在
江省以裁二留三與雍正年間酌留一二店舊例不符

今粵省又以驛站官塘實在攸鎮西岸其仁義禮智信
五店及大湖江等處元亨利貞四店係在三十里以外
均屬應留是江粵兩省雖經勘丈尚無定議又未據該
督等將准粵相距引界繪圖送部官店應否全留或應
分別酌留之處礙難懸擬查該鎮地勢必須界劃清楚
庶免後越而杜遷就應令兩江總督陶澍暨兩廣總督
盧坤各將東西兩岸道里情形覆飭詳細確勘繪圖貼
說咨部核辦其並無牌示之泰泰店二十九家既經查
明撤毀應毋庸議該督又稱江省前請在於萬安縣良
口市增設大卡又於贛縣東河茅店設卡旋請移建泥
灣地方查良口市係贛屬與萬安縣交界前被卡巡阻
截引鹽居民買食皆形畏縮今泥灣係粵省引地腹心
若令江省越界設卡則商情已先扞格請將官卡停設
等語查茅店官卡前經兩江督臣先奏請移建泥灣地方
自係因地制宜為堵截私起見今既據該督聲稱泥
灣在粵界腹心似亦未便專顧淮網致妨粵引其究應
於何處設卡俾兩省引地離網均無窒礙之處應請
細札商會同妥議具奏庶
獨建昌一府實福建光澤私
販出沒之徑乾隆六年署巡撫包括奏建昌所屬五縣
與閩連界距淮寫遠淮鹽運費既多閩鹽處處可入即

減價敵私商以虧本爲慮民以昂價爲嫌設卡堵截則路又犬牙相錯似應隨時變通請照南贛近食粵鹽廣信近食浙鹽之例以南城新城瀘溪改歸光澤泰甯南豐廣昌改歸建甯按額銷引部議不準行五十六年有旨令署總督長麟鹽政全德署巡撫姚燾前赴建昌會商福建督撫悉心妥議旋奏以今之兩淮綱地行鹽疆界與宋元明大略相同前人定界時非不知運道遠近賣價貴賤但期水則關津陸則山隘縱有偷漏尚知顧忌若舍久定之界聽其行銷直至毫無阻隔則爲患益大建昌一府額銷僅七千五百餘引在該省二十七萬餘引中不過三十分之一無甚關係特以該處有杉關隘口可恃爲門戶向來各商合通省之力派公費以減價敵私

爲保固藩籬之計實以銷一府之鹽其事小而保通省之鹽其事大也祇因閩私皆無課之鹽價更賤於所減以致阻滯行銷臣現同長麟前往會同江西撫臣姚棻察看地界如讓出建昌一府而撫界有可闢截則竟改食閩鹽如讓出建昌而撫州等府更無阨隘將以一府累及通省亦不敢輕議更改議上有

旨不必更張悉仍其舊

錄卷首之二 諭旨恭

先是總督孫士毅署巡

撫姚棻奏建昌府各縣添設卡樓卡房派員弁兵役駐守查緝經大學士和珅等議駁至是

命添設卡巡章程照孫士毅所奏辦理

兩淮鹽法志總督孫士毅疏略曰建昌府所屬

之新城廣昌南豐瀘溪四縣與閩省之光澤建甯等縣地界毗連閩境鹽店隨在開設建屬人民越境販買甚爲近便是以該府一屬淮鹽滯銷委令護鹽道恆甯親赴各交界處所確勘透私要隘如新城縣之廬家嶺山

岡口二處與福建光澤縣接壤南城縣之水酸架地方
爲閩私水陸總路南豐縣之百丈嶺夫人嶺二處與福
建光澤建甯兩縣接壤連溪縣之楓溪朱崖陳坊
貓兒嶺五處與福建光澤縣連界均爲私販出沒要路
從前未經設卡必需設立卡房添派兵役召募巡丁以
資駐守其餘私販小徑如新城南豐二縣之羊頭隘洲
湖原馬鞭隘青山隘南城縣之萬年橋東岸廣昌縣之
牙蘇山船尖隘涼山隘等處亦應一律堵塞以防透越
伏查建昌一郡從前雖經派委員弁守以分頭巡緝祇
緣扼要之區并無棲止之所難以駐守以致私販仍然
伺間透越議請於各要隘添設卡樓五座瞭臺二座募
房丁以資駐守實力堵緝臣等詳加確核均屬事在必
需亟應籌辦至應設卡樓瞭臺房牆估需工料銀兩及
巡防員弁兵役日需工費飯食等項據商人情願捐建
解給其派巡員弁照例半年更換按其銷引分數報部
核議並將各屬私販小路飭令一律堵截新設城縣
一該縣杉關附近之盧家嶺設卡樓一有文武員弁各
一矢役外建立瞭臺一座杉關原設卡樓有文員弁各
兵役二十名今盧家嶺添設卡樓瞭臺應於就近汛兵
內再添撥十名足資查緝一該縣山岡口北首建一小
屋二間東南設卡樓一座卡房三間卽委該縣佐雜一
員帶領鹽快八名分駐守禦昌南營派撥千總把總或
一員帶領兵八名分駐守禦昌南營派撥千總把總或

北水磯架地方原有石橋一座於橋南添砌石牆一道
安楊晝啟夜閉并於橋北設卡房三間在於就近內
撥兵五名召募巡丁五名駐守查緝南豐縣一該
縣百丈嶺設卡樓一座并於相隔兩矢之地另設瞭臺
一座由建昌營酌派外委一員撥兵十名并由縣另派
鹽快十名協同該處卡巡防守并令附近邗都之龍池
司巡檢一體查緝該處卡樓一該縣盤湖隘原設有汛防相距
二里之夫人嶺添設卡樓一座卡房三間即委該縣佐
雜一員帶領領鹽快八名協同盤湖隘弁兵卡商一體實
力巡防以資堵禦瀘溪縣一該縣花山界附近之
椒溪地方建設卡樓一座東南之朱崖西南之藻坪陳
坊西北之貓兒嶺等處設卡房三間并於貓兒嶺
脊設立卡牆一道安楊晝啟夜閉該處花山汛原經派有文
武員弁兵役卡商巡丁在彼巡查今附近椒溪地方添
設卡樓應令兵役就近分駐巡緝毋庸添撥惟朱崖藻
坪陳坊貓兒嶺四處卡房應令瀘溪金谿二縣會營每
處各派兵役三名五十七年江西鹽法道復請於建昌下
名駐守查緝

游之汰牛及金谿之許灣設卡巡緝蓋由建入撫度山

越嶺岐路尚多也

兩淮鹽法志 兩廣鹽法志 兩浙鹽法志 檇州志

明世賦法有食鹽課鈔萬厯會計錄江西通省戶口鹽

鈔銀一萬四千九百一十九兩九分一毫以半起運半
爲存留遇閏則加銀一千二百四十兩一錢三釐七毫
零

國初仍明制鹽鈔起運原額除逃亡銀二千七百二十兩
七錢二分一釐八毫實徵銀四千七百二十七兩三分
九釐九毫遇閏加銀三百八十一兩九錢四分七釐四
絲一忽腳耗銀一百七十一兩二錢九分九釐除逃亡
銀六十一兩五錢七分六釐一毫三絲五忽五微實徵
銀一百八兩七錢二分二釐八毫六絲四忽五微遇閏
加徵銀八兩九錢三分六釐九毫一絲八忽七微順治
十七年續增起運銀一千二百七十二兩二錢八分五
釐四毫

除瑞州撫州九江
三府坐編十府

腳耗銀二十九兩二錢六分

二釐四毫七絲三忽六微康熙十一年後直省食鹽鈔銀陸續容準攤入地糧徵收雍正五年江西亦奉準攤入地畝屯糧完納然鹽鈔改徵已久婦女編審如故乾隆十一年始奉

旨停止編審

諭旨恭載卷首之二 謹案鹽鈔額數安志不載自白志編為鹽法謝志因之其時初改攤徵猶事編審然已無可徵之項何必存此虛名聖訓所垂為萬世法茲仍存舊志鈔課總數於前而恭述定章於此各府縣分數不復編列

淮鹽引額南昌府凡十二萬二千六百八十引一分二釐 南昌縣四萬八百一引一分 新建縣三萬七千五百四十二引 豐城縣一萬三千四百四引 進賢縣六千二十六引二釐 奉新縣九千十三引二分 靖安縣一千七百七十二引七分 武甯縣三千二百

二十引六分 義甯州一萬九百引五分

瑞州府凡一萬四千三引二分五釐 高安縣六千九百六十一引二分五釐 上高縣二千九百五十三引

新昌縣四千八十九引

袁州府凡一萬七千二百七十五引二分五釐 宜春縣三千八百八十引一分 分宜縣二千三百四十二引五分五釐 萍鄉縣三千九百七引八分 萬載縣七千一百四十四引八分

臨江府凡二萬八百二十三引一分五釐 清江縣九千七百四十八引八分 新淦縣三千三百七十八引二分 新喻縣四千九百四十二引六分 峽江縣二千七百五十三引五分五釐

吉安府凡三萬三千六百七十六引六分九釐 廬陵
縣一萬二千七百五十九引四分二釐 泰和縣三千
三百五十一引六分 吉水縣三千四十七引六分一
釐 永豐縣一千六百九十五引八分九釐 安福縣
四千六百九十三引七分一釐 龍泉縣一千一百二
十九引九分四釐 萬安縣一千七百十四引二釐
永新縣三千一百六十八引 永甯縣五百三十八引
蓮花廳一千五百七十八引五分

撫州府凡一萬八千二百九十五引五分四釐 臨川
縣六千三百九十八引五分六釐 崇仁縣二千六百
引三分八釐 金谿縣三千四百九十一引四分 宜
黃縣二千一百九十三引七分四釐 樂安縣二千一

百五十六引二釐 東鄉縣一千四百五十五引四分四釐

建昌府凡七千五百九十引 南城縣一千九百二十五引 南豐縣二千二百四十一引 新城縣一千九百一十一引 廣昌縣九百七十五引 瀘溪縣五百三十八引

饒州府凡二萬二千引 鄱陽縣一萬一千七百二十三引 餘干縣三千六百三十九引五分 樂平縣一千一百四十二引七分九釐 浮梁縣三千一百二引二分 德興縣六百五十九引一分 安仁縣八百二十八引三分 萬年縣九百五引一分 南康府凡一萬一千九十一引 星子縣一千五百三

十一引 都昌縣三千二百二十三引 安義縣一千

四百三十七引 建昌縣四千九百引

九江府凡九千八百五十六引 德化改歸廬州小江口額鹽八引實九千八百

六十 德化縣四千三百二十八引 加改歸廬州小江口額鹽八引實四千三百

百三十 德安縣一千一百十六引 瑞昌縣一千三

百四十四引 湖口縣一千六十三引 彭澤縣二千

五引 以上據嘉慶二十年檔冊嘉慶十一年兩淮鹽法志十府舊額凡四十萬九千二百九引

浙鹽額引廣信府凡四千四百二十四引 上饒縣三

百引餘引七百三十九引松改五十四引 玉山縣五

百引餘引一千一百三十二引松改八十引 廣豐縣

一百引餘引一百四十六引松改十七引 鉛山縣一

百引餘引一百四十六引松改十七引 弋陽縣三百

引餘引七百三十九引松改五十四引 貴溪縣無額

興安縣無額

兩浙鹽法志
廣信舊志

廣鹽額引南安府凡一萬二千四百二十二引五分四釐一毫 大庾縣一千四十四引代銷七門埠四百七十五引蜆塘茭塘鹿步三埠八百五十引英德埠二百引餘鹽改引一千一百三十六引七分九釐八毫爲三千七百五引七分九釐八毫 南康縣七百四十八引代銷英德埠九百五十引餘鹽改引井三水埠一千六十九引五分八毫爲二千七百六十七引五分八毫 上猶縣三百二十一引代銷英德埠九百五十引翁源埠四百七十五引餘鹽改引七百六十三引二分三釐五毫曲江埠四百七十五引爲二千九百八十四引二

分三釐五毫 崇義縣三百八十七引代銷七門埠一千二百七十五引餘鹽改引一千一百三引英德埠二百引爲二千九百六十五引

贛州府凡四萬二千四十九引 贛縣二千八百八十引勻銷平遠等縣額一萬一百二十引餘鹽改引二千五百一十七引四釐七毫代銷英德埠三百引爲一萬五千八百一十七引四釐七毫 雩都縣一千五百引勻銷平遠等縣額二千七百引爲四千二百引 信豐縣八百五十引勻銷平遠等縣額一千六百五十引餘鹽改引一千五百二十八引一釐二毫代銷英德埠一千九百九十五引爲六千二十三引一釐二毫 興國縣一千引勻銷平遠等縣額一千三百引爲二千三百

引 會昌縣六百引勻銷平遠等縣額六百引爲一千二百引 安遠縣五百一十引勻銷平遠等縣額一千九十引餘鹽改引一千五百二十八引一釐二毫代銷英德埠九百五十引爲四千七十八引一釐二毫 龍南縣九百引勻銷平遠等縣額一千八百引餘鹽改引一千五百二十八引一釐二毫爲四千二百二十八引一釐二毫 長甯縣三百七十引勻銷平遠等縣額六百三十引爲一千引 定南廳二百四十引勻銷平遠等縣額九百六十引餘鹽改引一千五百二十八引一釐二毫代銷菱塘埠四百七十五引爲三千二百三引一釐二毫

甯都州凡九千二百五十二引州額二千三百引勻銷

平遠等縣額三千四百引爲五千七百引 瑞金縣六
百五十引勻銷平遠等縣額五百五十引餘鹽改引五
百七十六引九分九釐九毫爲一千七百七十六引九
分九釐九毫 石城縣八百引勻銷平遠等縣額四百
引餘鹽改引五百七十六引九分九釐九毫爲一千七
百七十六引九分九釐九毫

以上兩廣
鹽法志

江西通志卷八十六